

सानसेयारि "बड'सा" खरीलाइयाव समाजयारि जिज्जो लोखा थाबाय रायथाय, खन्थाय, खल, खल'बाथा आरु दावबायारि थाबनि, पाक बाइदिबि सायाव लिन्नाय लिन्दिबां दैथाय हर/सानसेयारि "बड'सा" खरीलाइया खेबरानाने फोखावोन।

बड'सायाव लिन्नायलि हुबा खालाम, "बड'सा" खरी नौथां, जो बयबो आंगो खालाम।

सानसेयारि बड'सा माखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com



BODOSA ★ A Bodo News Daily ★ Thursday ★ 5 August, 2021 Kokrajhar, BTC, Assam ★ Vol.- 31, Issue No. 131 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

राइज्यो बेंगिरि मुखि आरो मन्थि पाटवारिआ लाभलिना बरगहाइननो साबायख 'र हरदों

गुवाहाटी, 4 आगस्ट: आसामनि राइज्यो बेंगिरि प्रफेसार जगदिश मुखिआ टर्किज अलिम्पिकआव आइजोफोरनि 64-69 कि:ग्रा: लिन्नायनि केटरगिरिनि बक्सि बादायलायनायाव ब्रन्ज मेडल देहानो हानायनि थाखाय आसामनि बक्सार लाभलिना बरगहाइननिमिस साबायख 'र जासिदों। राइज्यो बेंगिरि मुखिआ दिने गावनि (□ 5 बिलाइआव)

सिमना जेंनाखौ लानाने आइजलआव आसाम-मिज 'रामनि मन्थि थाखोनि सावराय मेल


गुवाहाटी, 4 आगस्ट: आसाम-मिज 'रामनि सिमना जेंनाखौ लानाने बृहस्पतिवारखालि मिज 'रामनि राजथानि आइजलआव दरनेबो राइज्योनि मन्थि थाखोनि सावराय जथुम खुंगोन। बे जथुमाव आसामनि जानाने आसाम सरकारनि साने मन्थि फारिये अतुल बरा आरो अशक सिंधालमोनहा बाहागो लानायनि अनगायैबो मिज 'रामनिफ्राय मिज 'रामनि नख 'र मन्थि लालसामलिना, हा आरो खोजोना बिफाननि मन्थि लालरुवातकिमा आरो नख 'र बिफाननि नेहाथारिआबो बाहागो लागोन। आसामनि गिबि मन्थि हिमन्त बिश्व शर्मा आरो मिज 'रामनि (□ 5 बिलाइआव)

चिरानि बिजनीआव हायाव गोलैना थानाय ड्रग्स बोखांदों



बिजनी, 4 आगस्ट: चिरानि जिल्लानि बिजनीआव ड्रग्सनि फालांगिया दासिमबो सोलिगासिनो। बिजनी कावाटिखा ओनसोलाव गोबां बिबांनि ड्रग्स बोखांदों मोत्रायनि अनगायैबो गोबां ड्रग्स फालांगिरिखो हानो मोननायनि उनावबो ड्रग्सनि फालांगिया जोबनाने थाडाखै। बुधवारखालिबो कावाटिखायाव हायाव गोलैनां थानाय थासारियाव बोखानो मोनो मोनने पेकेटनि ड्रग्स। कावाटिखा नि (□ 5 बिलाइआव)

गसाइगाव पुलिसआ 5 रोजा फेग्रा टेबलेटखौ बोखानायजों लोगोसे सासे सुबुंखौ हमदों



गसाइगाव, 4 आगस्ट: फेग्रा मुवा-बेसादनफ्राय उदां आसाम गायसनानयनि थाखिजों गुबुन गुबुन ओन्सोलफोराव ड्रग्सनि हेंथायै हाबाफारि लाबाय थानाय समनि गेजेरावनो कक्राझार जिल्लानि गसाइगाव पुलिसआ सिप्रोमनाय हाबाफारि लानाने गोबां बिबांनि फेग्रा टेबलेटफोरखौ बोखानो हायो। मिबथिनो मोननाय बादिब्ला मोनसे संगालि सुलुनि बिथायाव गसाइगाव पुलिस थानानि बिबागिरि अमरच्यति बाइलुनि (□ 5 बिलाइआव)

बाक्सानि भारत-भुतान सिमानि स 'नाजुलि-सुबनखाता लामाया राइजो-राजाफोरखौ जेंनायाव खोख्लैदों

बरमा, 4 आगस्ट: बाक्स जिल्लानि भारत-भुतान सिमाना ओन्सोलाव हान्था-मेलानि मुडव राइजो-राजाफोरा गोत्राव जेंनाजों मोगा-मोगि जानाबेदों। जिल्लानि स 'नाजुलि-सुबनखाता फोनाजाबग्रा लामाया दिनेसिमबो बायफलेलानाय हालोदयावनो दड'। ओवानि दालांजों हा-था-मेल खालामनांदों दावबायारिफोरा। बेनि थाखाय दिनेसिम सासेबो सुबुं थान्देफोरा जेबो राहा लायाखै। मख 'नो गोनांदि



जिल्लानि बरमा बिधान सभा बिबाबनि सिडाव थानाय

स 'नाजुलि-सुबनखाता फोनाजाबग्रा लामाया थानाय 4

बोसोर सिगानिप्रत्रयनो पाग्लादिथा (□ 5 बिलाइआव)

जौगालु बिथांखिफोरनि थाखाय आसाम सरकार, नाबार्ड आरो ए आइ एफ एनि गेजेराव रादायनि सागान बे रादायआ आसामनि जौगाखांनयनि मोनसे गोदान मुगा लाबोगोन: गिबि मन्थि

दिसपुर, 4 आगस्ट: राइज्योयाव जौगालु बिथांखिफोरखौ बांसिन फोखोखानो आरो फुवारनायनि सायाव गोनांथि होनाने आसाम सरकार, नाबार्ड आरो आसाम इनफ्रस्ट्रक्चर फाइनेन्स अट'रि (आइफा) नि गेजेराव दिने एम अ इड रादायनि गोरोबथा खालामबाय। कानापायाव थानाय आसाम एडमिनिस्ट्रटिभ स्टाफ कलेजआव खुंफुनाय मोनसे हाबाफारिनि गेजेरजों गिबि मन्थि ड० हिमन्त बिश्व शर्मा आरो बिथानि केबिनेट मन्थिफोरनि



जुजाथिनायाव बे गोरोबथानि सागानखौ खालामनाय जायो। मख 'नो गोनांदि, बे गोरोबथानि गेजेरजों राइज्योनि गेजेराव थानाय गासै गामियारि आरो नोगोरारि ओन्सोलफोराव

जौगालु बिथांखिफोर मावफुनायनि थाखाय 13200 कौटि रां बाहायगोन।

हाबाफारियाव गिबि मन्थि ड० हिमन्त बिश्व शर्मा आ फोरमायदोंदि, दिनेनि सानआ आसामनि थाखाय मोनसे जांरिनिमारि सान। मानोना राइज्यो सरकार, नाबार्ड आरो ए आइ एफ एनि गेजेराव गोरोबथा खालामनायनि गेजेरजों आसामआव जौगाखांनयनि मोनसे गोदान मुगाया फैसिमो। बे गोरोबथाया राइज्योनि फारफ्रोम बिथिडाव (□ 5 बिलाइआव)

जौगालु बिथांखिफोर मावफुनायनि थाखाय 13200 कौटि रां बाहायगोन।

भारतआव कभिड-19 नि थामथि दोहौआ साग्लोबनायनि इसारा, हुआ जिंगा फोरमायदों

गोदान दिल्ली, 4 आगस्ट: गिख्थाव करना महामारिनि नैथि दोहौनि साग्लोबनाया मुलुगनि गुबुन हादतफोरजों लोगोसे भारतआवबो गाछि रोखोमै गोहोम खोख्लैनां फारफ्रोम बिथिडावनो हादतखौ नोरजिया खालामदों। नैथि दोहौनि उनाव बे खेबाव करना महामारिनि थामथि दोहौआ फिन खेबसेबाव भारतआव गाछि रोखोमै साग्लोबनायनि महर लादों। मुलुगनां देहा फसंथान वर्ल्ड हेल्थ अरगानाइजेसनआ थानाय 2 सप्ताहनि गेजेराव मुलुगनाडै करना साग्लोबनायनि सायाव नायबिजिरनायनि गेजेरजों मोननाय फारिलाइयाव भारतनि थासारिखौ मोजां लैक्शन नुनो मोनाखै। मानोना भारतआव



करना महामारिनि थामथि दोहौआ गाछि रोखोमै गोहोम गोलैनां हागो। बेखौ लानाने हुआ जिं गासिनयबो फोरमायदों। मख 'नाय जायोदि, थानाय सप्ताहायाव बांसिनै करना सन्देनाय हादतनि फारिलाइयाव आमरिकानि उनाव भारतआ नैथि (□ 5 बिलाइआव)

सा-सान्जा भारतनि राइज्योफोराव करनानि साग्लोबनाया बांसिन्दों

गोदान दिल्ली, 4 आगस्ट: भारत हादतआव कभिड-19 नि साग्लोबनाया थानाय जुलाइ दाननि जोबथा सप्ताहायाव दावख्थायनायनि उनाव आगस्ट दाननि जागायनाय सानिफ्रायनो

गोखोडै बांसिनयखौ नुनो मोनफिन्दों। थानाय 31 जुलाइखालि हादतआव कभिड-19 नि गासै एक्टिभ केसनि अन्जिमाया खमयानां 3 लाख 96 रोजा 745 सिम जाफैदोंमोन। नाथाय बेनि उनाव 2 आगस्टखालि करना

पजिथिनि एक्टिभ केसआ बांसिनाने 4 लाख 13 रोजा 700 सिम जाहैयो। सोलिफु समवा हादतनाडै गासै 1.29 जौखोन्दी सुबुंफोरा कभिड-19 सन्देराजदोंमोन। फारिलाइ बायदियै हादतनि केरेला (□ 5 बिलाइआव)

हादतनि उदांश्री सानखौ मेहेर गोनाडै खुंफुनो थाखाय बिजनी महकुमा खुंथायनि साखा-फारा



कक्राझार, 4 आगस्ट: चिरानि जिल्लानि उफ्रा जिल्ला बेंगिरि आरो बिजनी साब डिभिजनल अफिसार (सिभिल) दिवाकर नाथनि दैदेनायाव फेग्री 15 आगस्टखालि हादत उदांश्री सानखौ मेहेरगोनाडै फालिनो थाखाय जायगानि पुलिस, (□ 5 बिलाइआव)

ADMISSION OPENS 2021-22

GOSSAIGAON B. ED. COLLEGE, GOSSAIGAON
(RECOGNISED BY NCTE AND AFFILIATED TO BODOLAND UNIVERSITY/SCERT, GUWAHATI)

Nepalpara, Gossaigaon, Kokrajhar, B.T.R., Assam

COURSES OFFERED: B.A., B.ED. & D.EL.ED.

B.A. 1ST SEMESTER MAJOR SUBJECTS

ENGLISH
BODO
ASSAMESE
EDUCATION
ECONOMICS
POL. SCIENCE

ADMISSION TO B.A. 1ST SEMESTER
DATE OF ADMISSION: 3RD AUGUST 2021 ONWARDS
(OFFLINE MODE WITH MULTIPLE PAYMENT OPTIONS)

For Details Please Contact : 8638077413 / ajitgijan@gmail.com
8638481978 / brahmamikaraj@gmail.com

FACILITIES / INFRASTRUCTURES

1. Experienced teachers
2. Regular Academic and Non Academic activities
3. Regular Seminar, Workshop and Orientation
4. ICT Lab
5. Rich Library
6. Peaceful and Congenial Atmosphere
7. Clean and Green Atmosphere
8. Playground
9. Self Defence Class for Girls'
10. Principal's quarter inside the College Campus
11. Boys' Hostel inside the College Campus

सुजुगिरिनि खोलोम

आंखाल

बोथोर फैलानो हाख'र-हाला, गरखायनिफ्राय लानाने दैमा-दैसा, बिलो, फुग्वि, जाम्फे, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनाने दै सोनाने आबादिनि थाखाय गहाम खालामनाने लानायमोन। बेफोरबादि ओन्सोलावनो ना-साम', खांख्रायनि आंखाल नुजायामोन। मोनफ्रोम दै थानाय हाख'र-गरखाय, दैसा, जाम्फे, बिलो आरो ओरैने बोहेलांगरनाय दैफ्रावबो ना-साम'-खांख्रायनि आंखाल नुजायामोन। खालिबोल' गोनान्थि जायोमोन ह मनाने लाबोनायनि। ना ह मनो थाखायबो गोदो-गोदायनिफ्राय बाहायनाने फैनाय सेन, खखा, खाखि, जेखाइ, पल' फोरजोनो सानाने ह मनाने सल, बार्लि, नाझाइ, बोथिया, सिंगि-मागुर, थुरि-बामि, फिथिखि-मावया ना एग्रे-बेग्रे मोन्नाय आरो मोनजानायनि बोथोरा माबा लांखायावनो गोमालांबाय। आथिखालाव दंसे टाउन-सहर, हाथाय-बाजाराव दाब-दाब राइज्यो आरो बिलोफोरनिफ्राय लाबोनाय नाफोरजोनो ना ओंखिनि आइटेमखो फोलोमनांगो जानाने फैयो। सुबुं देहानि थाखाय नानि गोनाथियाबो एसेल' नडा। नाथाय मोन्नांगोयासो गोब्राब जानाने फैवाय। नानि आंखाल फोलोमोनो राइज्योयाव बोसोरे बोसोर गुबुन गुबुन राइज्योनिफ्राय लाबोनाय नानि आंखालखौ फोलोम फेनाय जायो होनाने मिबथि मोनो।

ना-साम'-खांख्राय गोमालानायनि जाहोन एबा जेवनायने थोब्ले-माब्ले जानायनि गुदिखो गोबाडनो बाइदिसिना जाहोन आरो बिजाउन होनाने फोरमायबोदो। बेफोरनो जाहैबाय दैसा-जाम्फे, बिलो, हाख'र-हालाफ्रा लासैये सानफा-एका खोखांबोनाने दै थायै जानाय आरो बिलो बेहेर बारिफ्रा गोमालानायजो लोगेसे बेफोरनि बांसिनानो दडब्लाबो दै गैये थायै जानाने फैनाय। दै गोयाब्ला ना-साम'-खांख्रायफ्रा बबेनिफ्राय थाफेनो आरो बोरै फोलेर एरनो। फासैथि मिथिंगा बिखायाव सिगांनि बादि अखादैजो आवुं जानाने थालिया। दैज्जानां बोथोराव अखा हानाने थानाय दैयाबो दैज्जानां बारनाय लोगो-लोगोनो रानाने गोरान जालाडे। गुबुन मोनसे जाहोनखौ दैज्जानां हाबनाय लोगो लोगो अखा हादैनि जावरिनारजो जेराव बिलो, दैसा-जाम्फेफोर दं बेफोर दैसा बिलोफ्राव फुवान होनाय ना आरो बिदै गोनाने नाफोरखौ गोबो जेजो बोखानाय आरो मुलि-बिषो होनाने ह मनयाव नानि जोलै एरनायाव हंथा फेनायखायनो ना-साम' खांख्रायनि बिबाड सानफा-एफायनो बाडय जाबोनाने आंखालनि महर लाफेदो।

मिथिंगा बिखाया बिफां-लाइफां, हाग्रा-बंग्राजो थजिम सोमखे महरै थायोब्लासो अखा-बांखा हानाय आरो बैसोमथि बिखाया थाजिमै-थानो हागोन। अब्लासो दैसा, बिलो हाख'र, हाला, जाम्फेफ्रावबो दै बोहेगोन-ना साम', खांख्राय आरिफ्राबो दैयाव थानानेनो फोलेर एरहोनयनि खाबु मोनगोन अब्लासो फारफ्रोम बिथिनि थाथाया सरासन्नायाव फैफिनगोन। ना-साम'-खांख्रायनि आंखालखौबो एफा-एनैयै फोलोमनायनि लामा मोनफिन्यायनि राहा थाहैगोन।

दिनेनि फानजामुथि

राशि बाइदियै मुनि गिबि हांखो
 मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** गोथार सान। मोजां खामानियाव आगान सुरजेनो हागोन। गोजेननाय मोनगोन। मोजां दिन।
- वृष:** मोजां मोन्नायखौ बुंथिनाने लानो हायै जागोन। गोसोखौ लोरबां खालामनाने लानो नाड।
- मिथुन:** बेराम जानायनिफ्राय बारग'नो हागोन। देहाआ जौगाखंगोन। गोजेननाय मोनगोन।
- कर्कट:** सोरजोबा दावराव-दावसिफोर जावायबायनो हागो। गोसोखौ हमथानगोन।
- सिंह:** जेखि जाया मोजां खामानिखौ मावनाने लानो हागोन। साननाया जाफुनो हागो। मोजां सम।
- कन्या:** सावलुन-बावलुन खोथाफोरखौ बुनो नाड। जेनायाव गोग्लेनो हागो। गोसोखौ हमथा।
- तुला:** मानिबा दायनि थाखाय खाजानो गिखंगोन। जेखि जाया सांग्राडे थानगोन।
- वृश्चिक:** बायदिसिना खामानि मावनायजो देहाखौ मैनया मोनगोन। गोसोखौ हमथा।
- धनु:** जेखि मावा सुखुखौ मोन्दांनो हागोन। नख'र जौगालानो हागो। मोजां सान।
- मकर:** मोजां हाबा मावनाने जेरावबो मुं गोसार होनो हागोन। फारफ्रोमथिबो मोजां।
- कुम्भ:** देहायाव जेरावखि जाया सानाय-सुनाय बेराम आजार सिखांनो हागो। देहाखौ जोथोनै लाखि।
- मीन:** मानिबा जारलायाव गोग्लैबायनो हागो। गोजेननाय गैयैजो समखौ हगारहरनांगोन। गोसो हमथा।

गाहाय मन्थि मदिया प्रधान मन्थि गरिब कल्याण अन्न यजनानि मुलाम्फायारिजो सावरायदो

गोदान दिल्ली, 4 आगस्ट : गाहाय मन्थि मदिया गुजरातआव प्रधान मन्थि गरिब कल्याण अन्न यजनानि मुलाम्फायारि सुबुंफोरजो सावरायलायदो। गाहाय मन्थि मदिया भिडिय कन्फ्रेन्सिनि गेजेरजो सुबुंफोरजो सोमोन्दो लादो आरो बिसोरनि सान्नाय-हनाय आरो रंगोथिखौ मोनथिना लादो। मदिया मुलाम्फायारिफोरनि सिगाडव बुंदोदि, दिवालीसिम निखावरिफोरनो फ्रिआव जाग्रा आदारखौ होनाय जागोन। बे हाबाफारियाव गुजरातनि सिपम बिजय रुपाणी आरो लेडइ गिबि मन्थि नितीनभाइ पाटेलआबो बाहागो लादो। गाहाय मन्थि मदिया सुबुंफोरखौ सोमोन्दो लानाने बुंदो, आगुनि रुजुनायआव इज अफ लिभिनि थासारिखौ थि खालामनाय जादो। आथिखालाव गामिफोर आरो फिसा-फिसौ जिल्लाफोरसिमबो जौगाखानाय सौहैदो। प्रधान मन्थि गरिब कल्याण अन्न यजनाआ मोनसे फुड सेप्टी वेलफेयार स्कोम, जायखौ थानाय



बोसोराव करना इनफेक्सनआ गोसारनाय समाव मिरु सरकारआ मार्च दानआव लन्स खालामदोमोन। 80 कौटि सुबुंफोरा 2 लाख कौटि रॉनि खरसाजो इनफेक्सननि समाव

फ्रिआव जाग्रा आदार मोनदो। कभिड-19 नि समाव फुड सिफिउरिडिखौ रोखा खालामनो थाखाय थानाय बोसोराव 942 लाख मेट्रिक टन जाग्रा आदारखौ रान्ना होनाय जादो। 2020-21 नि समाव फुड साब्सिडिआव 2.84 लाख कौटि रॉखो खरसा खालामनाय जादो। गुजरातनि 3.3. कौटि मुलाम्फायारिफोरा 25.5 लाख मेट्रिक टन जाग्रा आदारखौ मोन्दो। फुड साब्सिडिनिफ्राय बेनि सायाव 5 हाश्र कौटि रॉखो बाहायनाय जादो। गाहाय मन्थि मदिया बुंदो, बे खेबआव अलिम्पिकआव भारतनि बयनिखुइबो बांसिन गेलेगिरिफोरा क्वालिफाइ जादो। भारतीय गेलेगिरिफोरनि गोसोनि गोहो, गोसोयाव थुलुंगानाय आरो साहसआ गिबि थाखोआव दं। गोसोआव फोथायनाय फैयो जेब्ला रंगोथि गोनां टेलेन्टखौ सिनायथिनो हायो। बे गोदान गोसोनि फोथायनायआ निड इन्डियायनि सिनायथिखौ होदो।

उदांसि साननि हाबाफारियाव अलिम्पिकनि गेलेगिरिफोरा गाहायनि आलासि जागोन

गोदान दिल्ली, 4 आगस्ट : टकिय अलिम्पिकआव भारतनि गेलेगिरिफोरा गाव गावनि गोहोखौ दिथिदो। फासैथि गाहाय मन्थि मदिया बिसोरनि थाखाय मोनसे जर'खा सारफ्रा इस प्लेन खालामदो। खौरां मोन्नाय बादिब्ला, 15 आगस्टआव गाहाय मन्थि मदिया भारतीय अलिम्पिक हान्जाखौ गाहाय आलासि महरै लालकिल्लायाव हांखाय हरगोन। बेनि अनगायै गावनो गाहाय

मन्थिया बिसोरजो जर'खा लोगो हमगोन। मख'जाथावदि, गाहाय मन्थि मदिया टकिय अलिम्पिकआव बादायनो थानाय गेलेगिरिफोरजो थानाय 13 जुलाइआव भिडिय कन्फ्रेन्सिनि गेजेरजो बिसोरनि गोसोनि बोलाखौ बां होदो मोन। टकिय अलिम्पिकआव भारतीय गेलेगिरिफोरा जेनादोब्लाबो गाहाय मन्थि नरेड्र मदिया बिसोरखौ थुलुंगा होदो। मदिया टुइटाव बुंदो,

अस्ट्रेलियायनि माखासे गेलेगिरिफोरनि सायाव जौ लोनाने फ्लाइटआव गात्रि आखु दिथिनायनि दायव गोखौ रहा लानो हागो

गोदान दिल्ली, 4 आगस्ट: अस्ट्रेलियायनि रगबि आरो फुटबल गेलेगिरिफोरा टकियनिफ्राय सिडनी फेनाय फ्लाइटआव जौ लोनाने गात्रि आखु दिथिनायखौ हादरनि अलिम्पिक दोलोखौ दैदेनग्रा सिफ इथान चेस्टरमेनआ सोंखारिदो। भारतआ गावनि साफ्रोमबो गेलेगिरिफोरनि सायाव गौरव डड। गाहाय मन्थिआ भारतीयफोरखौ इयुनआव गेलेनांगो मेचफोरनि थाखाय गाहाय हामब्लायथिबो बावहरबावो टुइटावआव।

फोरमायबावदोदि, गेलेगिरिफोरा गोबाडेनो जौ लोदो आरो सासे टयलेटआव गोबादो। बिसोर गेलेगिरिफोरा थानाय बृहस्पतिबासखालि हर्निफ्रायनो पाटि खालामबोदो। जेराव बिसोरो शुरुवारखालिनो सिडनी फासै दायबायनो गोनांमोन। चेस्टरमेनआ फोरमायदोदि, जापान एयारलाइननि फ्लाइटआव अस्ट्रेलियायनि सा 49 गेलेगिरिफोर डडमोन। बिथाइ अस्ट्रेलियायनि रगबि आरो फुटबल

सुंद सल' खेमा

मुसि हास्यायग्रा ब्रह्म

गोसारआ सासे दुखुथिया मानसिमोन बियो थाखोसे निफ्रायनो दुखु जारलायै फराय बोदोमोन। मानोना बियो उदैनैनिफ्राय जोबोर बुजिनाखामोन। बिनि खायनो बिमा बिफायाबो बिखौ जोबोर अनसो गारोमोन। बियो एलफिनफ्रायनो मोजांखामोन मानोना 100 नाम्बार फरिखायाव 80 सिम गहाम लाखियोमोन। बिनि खायनो मास्टरफ्राबो गोसारखौ जोबोर अनसोगारोमोन। गोसारआ दा ए.म.इ. स्कुलाव गबोबाय बिनिखायनो गोसारआ जयेन्ट लानोबो जारला जावाय सिबाय हालाय हाफाय जाथारबाय हाबनो मोनगोनना मोनला आलाय आनि-फ्रेफेसार साखि लानो साननाया जाफुनोना जाफुड गोसारआ गावफ्रामलायबाय। बिमा बिफायाबो जेबो राहा मोनाखैसै बिफा गेन्द्रया मानसिफोरनाव हावलाथ बिबाय बायबाय रावबो हरनो सिमान जाया। बिनिखायनो बिमा गायदेया बुंबाय रावबो जौखौ आय'होनग्रा रावबो गैया। जौ निखावरि जाम्बा जाम्बी फिसाखौ सोर आय' होनो। जारलायाव गेन्द्रया फैसा बिनायया मास्तर गावबु रामोनजो मा थेखा दानो हरगोन दानो मास जोबाबो हरनो हनाय नडा थां साला सैमा खुथा नोहा लाजिया मालायनाव बिबाय बिबाय फिसा लेखा फोररोनो गेन्द्रया गाबा मोखां जानाने दे आदा थानोसै आं नोसोरखौ देनांसोमोनगोन माहाजोनो माहाजोनै थाया मोनथिखा। नोसोरबो जौ बायदि सानसे समाव बिबाय बिबाय जानांगोन। थादो आदा आं थानोसै अब्ला मास्तर बाबुनि बिसि नालेबआ बुंहरो गात्रि दामोनसै बेवयायफोर मानो गात्रि मोननो बेफोर ओरैनेसै सोरबा अनब्ला हरगोन बियो। बिदि बुना मास्तर बाबुनि न'निफ्राय ओंखारबोयो। ओजो फिसाला गोसारआ थांहा फैहां जागासिनो दं। बे समावनो बिफायाबो- सौफेगारबाय गोसारआ सोंबाय बोरै जाखो आफा बाथ्राया बिफाया सियार बोरायाव जिरायना बुंडे जौखौ आय' होनग्रा सोर दं आफा होनना गाबो फिसाला गोसारआ अब्ला सोंबाय मा जाखो आफा ना माबाफोर बुंदो नामा अब्ला गायदेया बुंडे बुडसो थायो बियो बुंनाय खायनो गावदो होनना बिमा गायदेयाबो गावो। गोसारआ सानबाय मा-जाबवनो। बिमा गायदेया बुंबाय दाफरायसै आफा गारदो लेखाखौ दाहोना लावखार थानाने जाहोबो बोराय बुरि सानैखो जौ मालाय मालायनाव बेसे सैमा बायदि मालायनि दरखं दरखं फैसा बिबाय थानो दाफरायसै आफा गारदो जौलाय सानदोमोन बुरजा लेखा फोररोनो गिदिर मानसि खालामनो नाथाय माखालामनो फिसा रावबो हरनो राजि जायाब्ला अब्ला फिसाला गोसारआ बुंबाय आं थैस थॉस' लेखा फरायनायखौ गारनो हाया आनि प्रफेसार जानो नागिरनाय थॉथिखौ जाफुसार होगोन आं आफा आय थां बे जा दलरसे हा दं बेखौनो गावबुबा बाबुनो जासि हैथां आफा आं देनां खाफालाव दंब्ला जागोन बेयो।

आं थानायनि बिदि बुना न'निफ्राय ओंखार लाडे। अब्ला गावबुरा बाबुया सियारआव जिरायना आफा एरना फेफार फरायगासिनो दंमोन। बे समावनो गेन्द्रया आदा मा खालामदो ब्रा नै माथो आदा गेन्द्रा सोलाय माथो खौरां लानाने फैदो नोथाड आंनाव मोनसे बाथ्रा लानाने फैदोलै बाबु नोथाड आंनो फैसा हरनो हागोन नामा ? मा फैसाब्रा आदा आंहांनो फिसा रिनादावनो बि ए फरिखा होनायाव थांजोबथारदो। आदा दंब्ला आंलाय मानो हरा जानो बिदि बुना गावबुराया सिरि थायो। अब्ला गेन्द्रया बुंडे जौनि आदा बिगा दं आदा आं बनदख होनो सानदो मोनोब्ला आदायानो लादोना न'निफ्राय ओंखारना 200 रं साननाने गेन्द्रानो हरो नै बेखौ लाग्रोदो बासायबाय। बिदि होननाने गेन्द्रया ननिफ्राय ओंखारबोयो। गेन्द्रया लामा लामा सानबोबाय मानसिफ्रा नडाब्ला गावनावनो दं साला। गेन्द्रया बिदि सानै माब्लानो न' मोनफैबाय। सिबाय गोसारा बिफाखौ नायहरे नायहरे लामायानो जामबाय। गोसारा बिफाखौ नुनाय लोगो लोगो बुंबाय आफा मोनबोबाय औ आफा गोसार मोनबोबाय गोसारा हरदो आफा माबा आंहा स्कुलाव थांनो सम जाबाय गेन्द्रया फैसाखौ बहनना हरो। आरो गोसारआ जयेन्ट लानो थाडे। गोसारआ दासो गोजोन मोनबाय बा थाखोआव लाष्ट जानायखाय गोसारआ लाष्ट बेनन्सआव जिरायनो मोनबाय। होनब्ला लोगोफ्रा हाबाव दासो सौफैबाय बे समावनो बालें बालें साइकेल लिदिस् सालायना सोरबा हाइनारि सिख्ला फैगो अब्ला लोगोफ्रा बुंडे हनै फैलायगो रानि मुखारजीया होनना बुंडे अब्ला गोसारा बुंडे सोर रानिब्रा आं नायालै मालाय सिख्लाखौ। राखेबा बुंडे हनै नायलाय मा एसेबां मोजां। जामाबा नायबाय थाथाव थाव नो गोसारा हुदा गैखाया हिन्जावफोरनि मोखांखौ नायनाय मानोना बेयो सानो बेबो मानसि बेहाबो आंथि मेगन दं आंहाबो आंथि मेगन दं बेखौ नायना मा मोन्ने। मालाय गोसारा लेखा फरायनाने गिदिर साखि लानो गोसो बिनि गोसोखौ सोर मिथिनो नाथाय गोसारा सानसे खालि क्स्लुल फैब्ला बैगि खुबै सिरना जानो नागिरब्ला नुनाय सासे सिख्ला बैगि जानो फैगो बेखौ नुना गोसारा सोमोनांबाय हाब सोर जाखो बेलाय हायनारि सिख्ला खानाय रुम्बां मेगन बेस्रां बिखा फांदां बेखौ नुना गोसारा बैगि खुबैसिनो बावबाय मानि खुबैहांयैनो थाबाय बेखौ नुना राखेबा बुंबाय हाब गोसार माब्रै जाखो माथो बैगिखोनो खुबैनो रोंदिया अब्ला जामाला बुंडे साला रानिखौ नायनाने बावनायाबोलै बिदि होनना लोगोफ्रा मिनियो। होनब्ला हिन्जावफ्रा जेरायना बैगि जाबाय थादोमोन। बेखौ खोनाना निजोराया सोंहरो मा जाखो फागलाफ्रालाय ना माबा जादो अब्ला गोसारा मिनिसुतु जाना फुथिहां फुथियाहां रावयै खिथा हरो होर सालाफ्रा आंखो माबा बुंनाने मिनिनायाबोलै बिदि होनना सिरि थायो। बे समाववनो बुरलां सारा साफाय कालामनो लेंहरो ज' ज' खारलाडे। आरो स्कुलाव हाबजोबो गबाय सिख्लाबो बे समावनो हायनारि सिख्लाजो सौदावना ब्राब गोग्लैयो आरो बयबो मिनिजोबो होनना गोसारा सिख्लाखौ जोबोर नायप्लांदोमोन। नाथाय सिखलाया गोसारखौ थाव सोबाना बुंडे साला मेगन गैया नोहा। सौदावलाबायनो बिदि होनना बलथ थाडे। गोसारा नाथाय बुजिना मानसि जेबो साना। बेफोर ओरैनेसो बिदि बुना गोसारआ न'फारसे थांनो नागिरब्ला मेथुनजय सारा आंखो लेंहरो हाबाव गोसार सोबा थारदो मिनाया नोखौ गोबारे

सोबा थारदो। सार बांदाय सायावखैलै सार दे थादो गोरोथि जाखायो होनब्लासो मिथिबाय गोसारा बे हायनारि सिख्लायि मुड मिनासो। स्कुललाव फेनाय सम जाबाय गोसारा दिने लाष्ट जाबाय मिनायाबो लाज जाबाय समान सौफैबाय बेखौ नुना लोगोफ्रा बुंबाय हाव बोराय बुरि समान सौफैबाय बेखौ नुना मिनाया बुडे लोगोफोर आंखौ जाम्बा जाथ्था मानसिजो दाजरायलाबाय आं बेखौ लायो नामा अब्ला राखेबा बुंडे हाब नोलाय बेसेथो मोजांब्रा बेसारा गोसारखौ दुखु होलाबायनो फैलै गोसार जौहा दाड मोलानि दखनाव सकलेट जाहैनि होनना राखेबा गोसारको दाड मोलानि दकानाव सकलेट जाहैनि होनना राखेबा गोसोखौ आखायाव हमना बोलाडे मानोना राखेबा आरो गोसारजो जोबोर लोगोथारमोन अब्ला राखेबा गोसारखौ बुंडे बिदिनोलै गोसार दानि सिख्लाफ्रा मोजांब्लासो मोजां नडाबा हले औलै राखेब मिथिखागो ओंखायनोब्रा आं सिख्लाफोरनि मोखांखौ नायनो बायो। राखेब नोबो आंनि बादिसो साननाया। बिदिनो बोथोरा थाडे हालो दैलो गोसार मेट्रिक आजादाव नैथि डिभिजन जाबाय मिनाया खुनुखुम थामथि डिभिजन जाबाय। नाथाय गोसारआ गरिब सिबाय गसाइगाव कलेजआवनो फरायनो सानबाय। मालाय मिनाया कक्राझार स्कुलाव फरायहैबाय। गोसार आ पि : इड : फास जाबाय बि ए आनजादखौबो गोसारआ सिथि डिभिजनआव उथ्रिबाय। गोसारआ एसे हां मोनबाय बे समावनो गसाइगाव कलेजआव प्रफेसार नांगो होनना खौरां होबाय बेखौ खोनाने गोसारा हाखु दाखु गसाइगाव कलेजआव आरजलाइ दैथायहरो। नाथाय सफ्हाहसे जाबाय दासिमबो गैया कल जोबबाय कल गैया। बिफा गेन्द्रया बुंबाय आफा गोसारबो थानो बेदिसियाव थांनो फैसा खामाय हैदो। नाथाय गोसारआबो थांनो सानबाय नाथाय बोरै थांनो आफा र' आं फैसा नागिरहैनि। बि समावनो फिनअना साइकेल बेल होफेना रावबो गैया नामा आदा बाजै मोन। अब्ला गायदेआ बुंहरो। फै फै जिराय फै जिरायला बाजै आं मोनसे खोथा लानानैसो फैदो मानोना नोसाला गोसारा इन्टारफिड होदो होनलाय कल सफेदो होनब्ला गेन्द्रया गोसार गोसार नै कल फैदोनों नोंगो आदा औ फंबाय हाबाव हामबायलै आदा गोसारा कलखौ बेखेवना नायबाय नोथाहा 9-11-06 जौनि लकेजआव नुजाफेनांगो गोसारा बेखौ नुना रंजाखानायसै आयै आफा जाफुबाय आंनि प्रफेसार जानो नागिरनाय थांथिखा नोंगो फिसा होनना बिमा बिफाया बो खुसि जाबाय अब्ला पिअनआ बुंडे नंगोलै बाजै हाबाव हामबाय फिसा पिअनआ बाजै थांनोसै आं दे थादो दाना जेबो मोनजायाखैसै खुमा गोजासो जाबाय। नडालै बाजै खेफोदिनि समाव लामा दिन्थिनाने होननायानो मानसिनि धोराम थादो बाजै दे थादो। गोसारा गसाइगाव कलेजआव जुथा गोसोम ससमा गोसोम हमना गोदोनायाव नेखथाय खानाने कलेज फारसे थाबाय लाडे। बे समावनो मिनाया रिक्सा सायाव फिसाला अनजालुखौ इराजी स्कुलाव दोननो फैदोमोन। मिनाया होनब्ला नुहरबाय हाब गोसारा मा एसे मोजां जाखो माबा सावथुननि सुनिल सेटि बायदि सो नुबाय बियो गोसोजो गोसो सानबाय आंनो गोरोथि जाबाय मिनायि फिसायआ कन्ट्रक मावग्रा मिनाया रिक्सा आवलाखौ र'र' औदिगि राख होनाने गोसारनि उन उन खारना र' र' आदा गोसार थाथ' नाथाय गोसारा खेमा होया (5 बिलाइआव)

नख 'र मावख 'आ सिबिआइनि बारग' बिथोनगिरि अलक बर्मानि हेंथायै मोजाडै बिजिरनो आर 'ज गाबदों

दुथांफोरनि बोलि जानानाय 9 बोसोरनि हिन्जावसानि नख 'रआव रहल गान्धीआ दावबायहैदों

गोदान दिल्ली, 4 आगस्ट : मिरुनि नख 'र मावख 'आ सिबिआइनि बारग' बिथोनगिरि अलक बर्मानि हेंथायै बिबानखौ आयेननि बेरेखायै बाहायनाय आरौ सोमोन्दो थानाय सिबिथाय नेमखान्थिखौ सिफायनो थाखाय मोजां रोखोंमै बिजिरनो आर 'ज गाबदों। बिबानगिरिआ बे बाथ्रानि खौरांखौ होदों। बियो बुंदों नख 'र मावख 'आ सिबिआइनि डिअपिटिनो बर्मानि हेंथायै मोजां रोखोंमै बिजिरनो थाखाय लाइजाम लिरदों। बिबानगिरिआ बुंदों जुदि बिजिरनायखौ गनायथि होयोब्ला बर्मानि पेन्सन आरौ आंजिरा मोन्यायनि मुलामफाखौ अरायथा नडै एबा



अरायथा महैरे होबथाना दोनो हागौ। मख 'नो गोनादि, सिबिआइआव गावनि हाबाफारि मानवायनि समाव 1979 बेचनि आइपिएस बिबानगिरि बर्माआ गेनाखान्थिनि दाय जाबसिनायखौ लानानै गुजरत

आथिखालाव दिल्ली पुलिसनि कमिसनार। सासे गागि बिबानगिरि बुंदों बर्मानि सायाव गावनि बिबानखौ आयेननि बेरेखायै बाहायनाय आरौ सिबिथाय नेमखान्थिखौ सिफायनायनि दाय जाबसिनाय जादों। नख 'र मावख 'आ बिनि हेंथायै मोजां रोखोंमै बिजिरनो आर 'ज गाबदों। डिअपिटिआ नख 'र मावख 'नि आर 'ज गाबनायखौ इउपिएससिनो दैथाय हरदों, जाय आइपिएस बिबानगिरियाव थिसन जानाय। आइपिएस बिबानगिरिनि सायाव जुरिमाना लागायनायनि सिगां इउपिएससिजों सावराय लायनायआ गोनांथार। मख 'नो गोनादि, बर्माआ 1 फेब्रुवारी 2017 आव नै बोसोरनि थाखाय सिबिआइ गाहायनि बिबानखौ सामलायदों। बिखौ 10 जानुवारी 2019 आव बिबाननिफ्राय बोख्वायदोंमोन।

गोदान दिल्ली, 4 आगस्ट: दिल्ली केन्ट ओन्सोलनि नांगल गामियाव सासे 9 बोसोरनि हिन्जावसाखौ हान्जायै जिनाहारि खालामनायनि उनाव जिउ फोजेबनानै गोथै सहखौ जेवथा बिदाइ होनायनि केसआ गोख्रोंसिन जाबोनी हमदों। बुधबारखालि फुडव कंग्रेसनि बारग' आफादगिरि राहुल गान्धीआ भुगिनांनय हिन्जावसानि नख 'रआव दावबायहैदों। बिनि सिगां सान मंगलबारखालि हिन्जावसानि नख 'रनि सुबुंफोरखौ लोगो हमनो माखासे पाटिनि दैदेनगिरिफोर थानोंमोन। बेयाव थानायनि उनाव राहुल गान्धीआ बुखेदि, जेब्लासिम भुगिनांनय नख 'रआ बिजिरनायखौ मोनो हाया अब्लासिम बिसोरजों लोगोसे थागोन। दिल्लीनि गिबि मन्थि अरबिन्द केजरिवालआबो भुगिनांनय हिन्जावसानि नख 'रआव खौरं



लाहैदों। बेकेसआव दायनिगिरि फुजारिजों लोगोसे साब्रं सुबुंफोरखौ हमबाय पुलिसआ। मंगलबारखालि भीम आर्मिनि चन्द्र शंकर आजाद आरौ दिल्लीनि राज्ज्यो कंग्रेसनि आफादगिरि अनिल चौधुरिआबो भुगिनांनय हिन्जावसानि नख 'रआव थानानै नख 'रनि सुबुंफोरजों लोगो हमहैदोंमोन। मख 'जाथावदि, दैदेनगिरिफोर बैयाव दावबायहैनाय समाव बै

जायगानि सुबुंफोरनि हेंथा होनायजोंबो मोगा-मोगि जानांदों। जायगानि सुबुंफोर बे केसखौ राजखान्थियारि खालामनायखौ अजद होदों। चन्द्र शंकर आजादआ बुहोदि, जेब्लायबो जायखि-जाया थासारियावबो भुगिनांनय नख 'रनो मदद होगोन। बियो बुंबावोदि, राजथावनि दिल्लीआव हिन्जावसाफोर रैखाथि गैया जादों।

राहुल गान्धीआ आइव सिफायदों, बिजेपिनि अजद

गोदान दिल्ली, 4 आगस्ट: दिल्लीनि नांगल गामियाव अन्थाय बिखा दुथांफोरनि मेहुर जानानाय 9 बोसोर बैसोनि दलित उन्दै हिन्जावसानि नख 'रआव राहुल गान्धीआ नुजाथिहैदोंमोन। बुधबारखालि फुडव बैयाव थानानै हिन्जावसानि गाजेंनखौ लोगो हमहैयो आरौ बिनि बिजिरनाय नागिरनायाव गाव गसंफागोन होन्नानैबो फोथायनाय होदोंमोन। भुगिनांनय हिन्जावसानि गाजेंनजों राहुल गान्धीआ गावनि गारि सिडव जिरायनानै बनाथ रायज्जलायदोंमोन। बेनि उनाव बियो बिसोरनि सावगारिखौ ससेल मिडियाआव शेरार खालामदों, जेराव राहुलजों लोगोसे हिन्जावसानि बिमा-बिफाखौ नुनो मोन्दों। बेगफासँ बे हिन्जावसानि सिनायथिखौ सोराडव गुहोनायनि थाखाय राहुल गान्धीखौ बेंखन्दों। आइव बादिथै सोरबा बैसो जायै हिन्जावसानि जिनाहारि खालामनाय केसआव हिन्जावसानि सिनायथिखौ रोखायै फोरमायनो हाया। राहुल गान्धीआ दुइदआव फट'जों लोगोसे लिरदोंमोन, बिमा-बिफानि मेगनि मोदैआ बे बाथ्रानि फिसाजो आ बिजिरनाय



मोनायनि मोन्थाय दड आरौ बे बिजिरनायनि लामा हन्थिनायाव आं बिसोरजों लोगोसे दड। बेनि उनाव बेरेखा दोलो एबा बिजेपिआ राहुलखौ गोख्रों रावजों गाग्लोबदों। बिजेपिनि बुंथिगिरि संबित पात्राया राहुलखौ गाग्लोबनाय रावजों बुखेदि, बिनि पाटिआ माहारियारि उन्दै रैखाथि आयगनिआव दाबि दैखांगोनदि, कंग्रेसनि दैदेनगिरिनि दुइदिन हेंथायै गोख्रों एक्सन लानां गौ। उन्दै हिन्जावसानि बिमा-बिफानि फट' शेरार खालामनानै पस्क एक्टनि सेक्सन 23 आरौ गुभेनिल जास्टिस केयारनि सेक्सन 74 खौ सिफायदों। मख 'जाथावदि, थानाय रबिबारखालि सोराडव फैनय सासे दलित उन्दै हिन्जावसाखौ जिनाहारि खालामनानै बुथारनायनि केसआ राजथावनि

ममता बेनार्जीआ गाहाय मन्थिनाव हेफाजाब बिदों

गोदान दिल्ली, 4 आगस्ट : सोनाब बंगआव दै बाना लोमसावनाय आ साग्लोवसारदों। राज्ज्योनि माखासे जिल्लाफोराव दै बाना लोमसावनायआ ओरैबादि खैफोद सोमजि होदोंदि, सुबुंफोरनि न'आव दै हाबदों आरौ आलादा आलादा जिल्लानिफ्राय लाख लाख सुबुंफोर न' गैजायै जादों। दै बाना लोमसावनायनि गेजेराव राज्ज्योनि गिबि मन्थि ममता बेनार्जीआ हावडा जिल्लाआव दै बाना लोमसावनाय ओन्सोलखौ नायगिदिहैदों। बेवहाय बियो दै बानाजों गोहोम गोलैनाय ओन्सोलनि सुबुंफोरजों सावरायलायदों आरौ गासिबो रोखोमनि मदत होनो खोथा होदों। सोनाब बंगआव दै बाना लोमसावनायनि थासारिखौ नोजोर होनानै गाहाय मन्थि नरेन्द्र मदिआबो ममता बेनार्जीजों सावरायलायदों। राज्ज्योनि खाथि खालानि बान्दोनिक्राय दै हगारनायखौ लानानैबो सावराय लायदों। गाहाय मन्थिआ ममता बेनार्जीनो खोथा होदोंदि, दै बाना लोमसावनाय थासारिजों जुजिनो थाखाय राज्ज्योनि गासिबो रोखोमनि मदतखौ होनाय जागोन। गाहाय मन्थिआ दै बाना लोमसावनायजों गोहोम गोलैनाय ओन्सोलाव थावथाना था नाय सुबुंफोरनि गाहामनि आर 'जबो गाबदों। बे सावरायलायनायखौ लानानै माखासे मिडिया रिपर्टआव बुंदों, ममता बेनार्जीआ डिबिसिनि बान्दोनिक्राय दै हगारनायनि अजदखौबो गाहाय मन्थि मदिनि सिगाडाव होदों। मख 'नो गोनादि, गोबां अखा हानायनि जाहोनाव दामदर घाटी निगमनि बान्दोनिक्राय दै हगारनायनि उनाव सोनाब बंगनि दर 6 जिल्लाफोराव दै बाना लोमसावनायनि जाहोनाव 2.5 लाख सुबुंफोर न' गैजायै जादों। बेनि अनगायै न'बायग्रबनाय आरौ मोब्लिब



गोहोजों बोजाना सा 14 सुबुंफोरनि जिउआ गोमादों। बेनि सिगां मे दानाव चक्रबात बारहुंखा बारनायजों ख'हा जानायखौ नायबिजिरनो थाखाय खुंनय जथुमाआव सोनाब बंगनि गिबि मन्थि ममता बेनार्जीआ गाहाय मन्थि नरेन्द्र मदि आरौ सोनाब बंगनि राज्ज्यो बेंगिरि जगदीप धनकइखौ 30 मिनटिसिम नेहोदोंमोन। उनाव जथुमाआव बाहागो लानानै बेनार्जीआ चक्रबातजों राज्ज्योनि ख'हा जानाय रिपर्ट खौ गथायदोंमोन। बे समाव माखासे मिडिया रिपर्टआव फोरमायदोंमोनदि ममता बेनार्जीआ बे समाव परिसरआवनो दंमोन। नाथाय थेवब्लाबो बियो बांदाय गोबाव बेवहाय थायाखै आरौ गुबुन जथुमाआव बाहागो लानां गौनि बाथ्रा बुंनानै थाबैने बेवहायनिफ्राय ऑंखार लादोंमोन।

करना इनफेक्सननि बांनय आर नाटआ करनानि थामथि दोहौखौ जिंगा सिहोदों

गोदान दिल्ली, 4 आगस्ट : हादतआव करना इनफेक्सन बांनय आर नाटआ थामथि दोहौखौ लानानै जिंगा सिहोदों। आर नाटनि थोजों ऑंथिआ जादों सासे इनफेक्सन जानाय सुबुंनिफ्राय गोबां सुबुंफोरनाव इनफेक्सनआ गोसारनाय। जाय थामथि दोहौनि महर जानो हागौ। नागालेन्ड, हारियाना, मेघालय, गवा, झारखान्ड, दिल्ली आरौ सोनाब बंगआ आर नाट 1 आव दं। बेवहाय गोदान बेरामिफोरनि अन्जिमाया बाडखै आरौ खमबो जायाखै। अन्ध प्रदेश आरौ महाराष्ट्रआव आर नाटखौ खम नुनो मोनाय जादों। भारतआव आर नाटआ 1.2 दं, जाय 22 जुलाईनि सिगां दावखलायनाय थाखोआव थादोंमोन। मख 'नो गोनादि, नैथि दोहौआव 9 मार्चनिफ्राय 21 एप्रिलनि गेजेराव आर नाटआ 1.37 सिम सौहैदोंमोन। नाथाय

मे दानाव बियो दावखलायनायजोंनो नैथि दोहौआ लोरबां जादों आरौ जुनआव बेयो 0.78 सिम सौहैदोंमोन। आथिखालाव आमेरिकाआ आर नाटनि थामथि दोहौजों भुगिनांदों। हादतआव आर नाटआ 1.2 जौखोन्दो सिम सौहैनायखौ थामथि दोहौनि थाखाय गोब्राब मानिनानै लानाय जायो। मख 'नो गोनादि आमेरिका, कानाडा आरौ अस्ट्रेलिया बादि हादतफोरा करनानि थामथि दोहौजों भुगिनांदों, बे हादतफोरावबो आर नाटआ 1.2। देहा मावख 'नि जुथाय सेक्रेटारिनि बादिब्ला, बांनय आर नाटखौ नोजोर होनानै राज्ज्योफोरा सांग्रडेथानांगौ। करनानि रैखाथि राहाखौ गोखोडै गनायथि होनांगौ। जाहाथे इनफेक्सन जानाय सुबुंनिफ्राय खम करनाआ गोसारो।

भारतीय उरां सान्थि गाहाय आर के एस भदौरियाआ इज्राइलआव दावबाय हैदों

गोदान दिल्ली, 4 आगस्ट : भारतीय अखांमा सान्थि गाहाय आर के एस भदौरियाआ मेजर जेनेरेल एमिकम नाकिननि खावलायहरनायाव थानाय सानआव इज्राइलआव सौहैदों। भारतीय अखांमा सान्थि गाहायनि बादिब्ला, समानथिनि बाहागोनि महराव भारत आरौ इज्राइलआ गोख्रों आरौ गोबां सोमोन्दो थानायनि रंजानाय बाजानायखौ लानो हायो, जायनि मोनसे मख 'जाथाव



माइल खुन्थियाआ रैखाथि हेफाजाब होलायनाय आरौ सान्थि थाखोनि होलाय लालाय खालामनाय। मोनैबो हान्जाया दरनै हादतफोरनि अखांमा सान्थिफोरनि गेजेराव होलाय-लालाय खालामनायखौ गोथायै जौगाखानायनि सायाव सावरायगोन। बेनि सिगां भारतीय अखांमा सान्थिनि गाहाय एयार चीफ मार्शल आरकेएस भदौरियाआ गावनि नै सान दावबायनायनि गेजेरजों इउएइ एएफ आरौ एडीनि कामान्दर मेजर जेनेरेल इब्राहिम नासिर एम अल अलाबीजों लोगो हमदों। दावबायनाय समाव सानैबो दरनै हादतफोरनि अखांमा सान्थिफोरनि गोख्रों सोमोन्दोखौ गोख्रोंसिन खालामनायनि सायाव गोथायै सावरायलायदों।

नैथि मुलुग दावहानि टेंकखौ न'आव दोन्नायनि 2.22 कौटि रां जुरिमाना फोनांदों

गोदान दिल्ली, 4 आगस्ट : जार्मानियाव के लसहर नि बिजिदसालि आरौ उकिलआ बे बाथ्रानि सायाव दान्थे-बिदान्थे जादोंदि, 84 बोसोर बैसोनि सासे सुबुनि न'आव नैथि मुलुग दावहानि (वार्ल्ड वार-2) टेंक मोन्नायखौ मा खालामथावगौ। मख 'जाथावदि, 2015आव बे सुबुनि न'नि बेसमेन्टनिफ्राय पेन्थार टेंक, एन्ट एयारक्राफ्ट गान आरौ गुबुन माखासे आइटेम बोखानो हानाय जादोंमोन। जार्मान लाइब्रेरि ल'नि गेजेरजों बे सुबुनि मुंखौ सोरांआव लाबोनाय जायाखै। खौरानि बादिब्ला बोराय बैसोनि बे सुबुखौ 3,00,000 डलार एभा 1.22 कौटि रांनि जुरिमाना फोनांनय जादों। बे बोराय सुबुनि उकिलनि बुंनय बादिब्ला न'आव जेसेबां हाथियार बोखानो मोन्दों



बेफोरनि गंसेबो बाहायजाथाव नडा। बेनि अनगायै टेंकखौ सोलियैनि थाखाय न'आव दोन्दोंमोन। बेनिखायनो जुरिमानानि रांखौ खमायनांगौ। फार्सथि सरकार उकिलआ बुंदों, जब्द खालामना मोन्नाय हाथियारआ सोलिथाव थासारियाव दड। बिजितसालियाव दान्थे-बिदान्थेनि आयदाया जादों बै बोराय सुबुंआ जार्मानिनि वार बेवन्स कन्ट्र ल एक्टखौ सिमफायदों ना सिमफायखै। बे एक्टनि गेजेरजों दावहानि हाथियारफोरखौ बानायनाय, फानाय आरौ दैथायहरनायखौ होबथायो। बोरायनि उकिलया फोरमायदोंदि, पेन्थार टेंकखौ गंसे मिउजियामआव बायनो लानो थाखाय बाथ्रा सावरायदों आरौ जार्मानिनि माखासे कालेक्टरफोराबो लाइवाव दड, जायफोरा टेंकजों लोगोसे गुबुन आइटेमफोरखौबो बायनो हास्थायो। बेयाव गंसे राइफल आरौ पिस्टलबो दफायो।

बोसोरनि सामन्थायथानि थिका इ-रेन्डर न' ए थिइ एल/02/21-22 अक्ट: 0308-2021। फोरमायथानय खामानिनि थाखाय गाहाय मूसाव होयाय इ-रेन्डरनि थाखाय खावलायदोंदि: रेन्डर न' ए थिइ एल/02/21-22। खामानि मू: निउ कचबिहार रेलवे स्टेशनव 5 (बी) बौरनि मोनसे समीमानि थाखाय गं 2 एकेलेटर (आप आरौ डाउन) बोसोरनि सामन्थायथानि थिका होदों। फोरमायथानय रेन्डरनि बेसेन: 16,60,000/- रं। रेन्डर बन्द' जानयनि अक्ट' आरौ सम: 31-08-2021 अक्ट'नि 13.00 रिग आरौ बेबेवनाय जागोन: 31-08-2021 अक्ट'खालि 15.00 रिगआव हि आर एम (इन्क): ऑफिसगुदुवर' बेसेन भावरांअन। ऑफिसनिफोन नं: 05333333333, 05333333333। वेबसाइटआव नावनी: http://www.bds.gov.in (इन्कट'नि), ऑफिसगुदुवर' बेसेन सा थाना सिमाना ओन्सोल लेखे 'मिडिलिये थायनीफोरनिफिस सिबिथाय'।

दौंवा लिमारिक

1
गोदान मुगानि गोदान बोसोरनि सेंग्रा जालाइफोर
दानि जुगालाइ मबाइल जुगानोसै।
दानि जुगानि गथफ्रा सासेबो मोजाडानो गैला;
मबाइल सेरनानै सिख्ताफोरनि सेर सेर थाबायो।

2
दानि जुगानि सेंग्राफोरखौ रावखौबो एदावजाला
दानि जुगानि सेंग्रा मोद्लाफोर।
आखायाव। मबाइल सेरनानै बेरायथिंग्रा;
दानि जुगानि सेंग्रा सोरकार जालाइफोर।

3
दानि जुगानि सेंग्रा सावलुनफोर
दानि जुगालाइ जौ सिगारेतानोसै।
जौ सिगारेटजौं दिन थांग्रा सेंग्रा मोद्लाफोर;
खामानियाव गैया दामानियाव गैया बेरायथिंग्रा जोबसै।

4
हाय दानि जुगानि सेंग्रा सोरखार जालाइफोर,
राम-राम बावु सोरखार जालाइ।
मेगनाव ग्लास खोबनानै दुगा दिन्थिंग्रा;
खुगायाव फेमफा होनानै रेल गारिनि हगारग्रा।

5
हाय दानि जुगानि सेंग्रा जालाइ
लेखायाव गैया फराआव गैया जोबसै।
जानला मोनला खोथा बुंग्रा जोबसै,
दानि जुगानि सेंग्रा जालाइफोर जानला मोनला,
हिन्जाव गोसोथोग्रा जोबसै।
दानि जुगालाइ खोलि जुग जाबोबाय।

मुस्त्रि निलकान्त नाजारी
उमानन्द गोजी फरायसालि
ला:सो:- काकरमारि
गामि: सामथायबारि।

बिबार जिउ

हाथायसालि बे बिहु संसाराव
आनि गोसो मेगनजौं सानबोला,
आरो मोजाडे सायख 'ना बिजिरबोला
बिबारा गावनि एमाव मिथिंगायाव,
हायना महरनि मोदोमफु बिबार,
सोरजिनाय रैसुमै सोमो गोनां
सुबुनि सल' आयदा बिदे गोनां,
बेरे बासानि बेरे बिदे जिउ गुवार।
नाथाय बै फेगौ बिलिफां बुब्लिआव
आनि जिउ-नाव बैटा थायो जेब्लाबो
गोमो गोथां बिबार मुं गोनाडबो
लासै सेरे हाखौ गोबागोन बोथोराव।
आय' बिबार जिउ नौं मोजोमसेल'।
साया-माया सान दै थरथिल' ॥

मुस्त्रि बिनय ब्रह्म
गामि- धावलिगुरि
जिला- ककराझार बि टि आर

थांखि

आनि बे थांखियालाइ
जाफुगोना जाफुआ
हे आफा आनान गसाइ
हे आफा बिफा गुरु।
आनि थांखिखौ जाफुहोदो
इयुनआव आं थुरुन गगै
डु मनमहन सिं मोन बायदि
जानानै समाजनि मोजां
खामानि मावलांनो।
हे आफा बिफा गुरु आनि
थांखिखौ जाफुहोदो।
आनि थांखिखौ फेमाल
दाखालाम आफा बिफा गुरु।
इयुनआव आनि जोले
हान्जा आरो बयनिबो
सुबुनि थाखाय मोनसे
आबूथि गोनां खामानि
मावलांनो
हे आफा बिफा गुरु
आनि थांखि होसोनायखौ
जाफुहोदो-

मुस्त्रि मिथिसार नाजारी
फरायसालि- उमानन्द गोजी फरायसालि
गामि- सेंसाफार (हालां बाजार)।

रंजालि गथ' फोरनि सौरा

आंनि दिव्खाव

सिमाडव गेले फैयो रजे नौं
अरायबो मिनि बाला,
नाथाय मोगथाडाव आनज्रायो
गोजाननिफ्रायनो नायखंखेना।
आजोला बे गुरे बिखाखौ
थोरफो थोरफो खामगिल होलाडो,
हास्थायसुला बे जावलिया गोसोखौ
थेर-बेथेर गाप्लेलाडो।
अबोला र'जे-
सहाय ख'हायै दिखाराव;
सोरगिदि खोमसिखौल' नुयो
सोरखि लांनो मुलुग संसाराव।
गोसो जायो लोगो-लोगो
गावखौनो फोजोबस्राना सोब गोमोरलांनो
नाथाय! मिथिस्ताबे हरखाव
मानिबा हमथानायाव थाबथाफिनो।

मुस्त्रि मैखोम देमारि
गामि- खासपुर (हालां बाजार)
ककराझार बि टि सि (आसाम)।

बोरै बावनो निजिरा

सानदोमोन आं नौं निजिराखौनो
अरायबो गोसो गोबौजौं मोजां मोनो,
नाथाय नौनि नोमा-नोमफाया
आंखो फोथाय खेबस' खालामबाय।
आनि गोसो गोबौजौं मोजां मोननायखौ
नौनि आदा-आबआ
आंखो गोदाव सोराव खालामबाय,
आरो आंखौ नौनिफ्राय गोजानाव दोनबाय।
नौंखौ गोजानाव दोनबा मालाइ मा जानो निजिरा
थेवबो नौनि महरा आनि गोसोआव
आइना नाइनाइ बायदि नुजाबाय थायो।
नौं आंखौ जेसेबां बावनो नाजागोन
आनि मोजां मोननाय बारासिनसो जागोन,
मानोना बे मुलुगाव मोजां मोननायनिखुइ
देरसिन जेबो गैया।
फागुनि जावलिया बार मोदायाबो हानाय नड
आनि मोजां मोननायखौ बुखार हरनो,
आसार दाननि सार अन्थाय बार-हुंखाआबो
हानाय नड आनि मोजां मोननायनि
गोसोखौ गिसिखाहोनो।
बिदिव्ला नौनि नोमा-नोमफाआखि,
हागोन आनि नौनि मोजां मोननायखौ
बावगार होनो हानाय नड निजिरा
लैथौ बायदि गुवार आनि मोजां मोननाय,
देमुनि दै बायदि गुसु आनि अन्थाय
बिदिव्ला नौंखौ आं बोरै बावनो निजिरा।

मुस्त्रि थनिजा ब्रह्म
धावलिगुरि एम बि हाइ स्कूल
गामि- धावलिगुरि
जिला- ककराझार बड'लेण्ड।

दौंब्रै लिमारिक

क
जौं लागीनि गब्ल फुनाय
थाइथेला बेनि फुला खान्दा
जायो लोडो लामा सामायाव
लोगोफोरजौं गबाव सबाव
नआव फैयोब्ला गोदाव सोराव।
ख
जौं लागीनि खान्दा
जौं सिगारेत डेनद्रायत
लोडे सोबै जालाबाय रानथें थें
मुडव मोनबाय गामियाव सामा गोरान।
ग
बमब्रा गुरिनि गुरहें
बिमा बिफाया थावनाव दोनदोमोन
मोजां जानो थाखाय
सोलोदो नाथाय मालदां फारानि
दावखा बाबु।
घ
जौं लागीनि सिमां
नायोब्ला नमर ब्र
महराव लादो जाहार
खाननि उग्रु फुनथि
खोमायाव इन्थि गान्नाय
बर'आव सानो उसुबिदा।

मुस्त्रि असिन्त बसुमतारि
फरायसालि- बिधापिट स्कूल
जिला- ककराझार बि टि ,आर


गैया मा खालामो

बे बादायारि मुगायाव
बिमा बिफाया आंखौ,
उन्दैनिफ्रायनो मेगनाव मोदे
खुगायाव खुदै लानानै।
हाजिरा बान्दा मानानै
लेखा फरायहोदोमोन।
जिराब जिथ्याव खसाव गाननानै
दुखुथिया महरखौ लानानै,
फरायसालि फासैं आगान सुरलाडोमोन।
सानसेबा मोनजानाय,
सानसेबा खालि उदैखौ
आजिरा सोलेरखौ लानानै
मेगनाव मोदै खुगायाव खदे
दुखुथिया नखराव,
सानसिख' हायै जिउखौ लानानै।
आनान गसाइनि अननायाव,
12 थाखोखौ उथिन्याव
लोगो लोगोनो
साखिनि रादाव फैयो
अफिस फासैं दावगा लाडो
दुखु नांथाव बे बादायारि मुगायाव
50 रोजा रां बिनायाव आं
मेगनाव मोदै लानानै
दुखुथिया न फासैं
फैफिन नाडो।

मुस्त्रि शुलुगा देमारि
गामि- खासपुर हालां बाजार
जिला- ककराझार बि टि सि (आसाम)।


भारतनि गोग्लैसोसिन्नाय जिल्लाफोरनि फारिलाइ

गोदान दिल्ली, 4 आगस्ट :
नीति आयगआ हादतनाडै
गोग्लैसोनाय जिल्लाफोरनि जुन
दाननि फारिलाइखौ
फोसावबाय। बे फारिलाइआव
मनिपुरनि चान्देल जिल्लाआ
गोग्लैसोनायनि जिल्लानि गिबि
सारियाव दड। नीति आयगया
दुइट खालामना लिरदो-
गोग्लैसोसिन्नाय जिल्लाफोरनि
फारिलाइआव झारखान्डनि
साहेबगन्ज आरो पान्जाबनि
फिरजपुरआ नैथि आरो थामथि
थाखोआव थादो। बे
फारिलाइआव आसामनि धुबुरी
जिल्लाआ बैथि आरो
नागालेन्डनि किपहिरि
डिस्ट्रिक्टआ 5थि सारियाव
थादो। नीति आयगनिफ्राय जानो
गोनां बे डेल्टा रेंकिआव मोन




112 गोग्लैसोनाय
जिल्लाफोराव जौगाखानायजौं
सोमोन्दो थानाय दर 6
अे-सो ल फोर खौ
नायबिजिरदो। बे ओन्सोलाव
गाहाम देहा आरो देरनाय
लावनाय, सोलौथाय, आबाद
आरो दै सोदानाय, रांखान्थि
समानथि थाय सोलौं,
जौगाखानाय आरो गुदि बिथा
जौगाखानायखौ नायबिजिरनाय
जादो। आयगआ गोग्लैसोनाय
जिल्लानि हाबाफारिखौ
जानुवारी 2018 आव
जायो।

मुलुगानि माखासे खैफोट गोनां रेल स्टेसनफोर



गोदान दिल्ली, 4 आगस्ट : ब्रिटेननि एडिसकम्बे रेलवे स्टेसनखौ भुत गोनां स्टेसन महरै
सानफानाय जायो। 1906 आव दफांजौं बानायनाय 2 काउन्टर आरो गंसे प्लेटफर्मखौ लोगोसे बे
स्टेसनखौ जागाय जेन्दोमोन। सुबुंफोरा बुंदो बेवहाय ट्रेन ड्राइभर भुतखौ नुयोमोन। सम सम
सुबुंफोरा बेवहाय भुतनि सायाखौ नुनो मोनोमोन। जेब्ला बे स्टेसनखौ बुफायनाय जादोमोन।



अब्लाबो बेनि सायाखौ नुनो मोननाय जादोमोन।
सिंगापुरनि गंसे स्टेसनआ बयनिखुडुबो बांसिन मुंदांखा। बे स्टेसनखौ गोथैसालिआ बानायनाय
जादोमोन। बे स्टेसनखौ 1987 आव बेखेवनाय जादो। 1990 आव ट्रेननिफ्राय आंखरनाय सासे
आइजोआ हमदांनो हादोदि, गावखौ सोरबा आखायजौं बेंखनना लादो। बेवहाय खामानि मावग्रा

सासे मावसुमायाबो रेल लामायाव कपुनखौ खारनाय नुदोमोन।
शंघाइ साबवे स्टेसननि लाइन 1 आव काअबाअ रड साबवे स्टेसनखौ बानायनाय जादो।
बे जायागाआव सम सम ट्रेनआ गाज्रि जायोब्ला सम सम हराव भुतनि सायाखौबो नुनो मोनो।
बेवहाय माखासे सुबुंफोरा बागदाव खानानै थैदोबो।



बेगुनकडरआ कलकतानिफ्राय 161 कि:मि: गोजानाव थानाय दरसे गामि। बेवहायनि
स्टेसनआव रेलवे वार्कारआ सोरखौबा नुदो आरो नैथि सानाव बियो थैदो। बेवहाय थाग्रा सुबुंफोरा
बुंदो, गुफुर सारि गान्नाय सासे आइजोआ सम सम रेल लामा आरो सम सम प्लेटफर्मआव आंखारो।
मेक्वेरी फिल्डस रेलवे स्टेसनआ अस्ट्रेलियाआव सिडनीनि खोला सोनाब, निउ साउथ



वेल्लसा दं। बेवहाय हर गेजेराव सासे लाइमोन आइजो भुतखौ थाबायवाय थानाय नुयो। माखासे
सुबुंफोरा बेनि हसिखवायनायखौबो खोनादो। बेनि देहायाव थै नांजोबनाय आरो बियो गोखोडे
मोसायोबो।



कक्राझार, बृहस्पतिबार 5 आगस्ट, 2021

(▣ १ बिलाइनफ्राय)

राइज्यो बेंगिरि मुखि आरो मन्थि पाटवारिआ लाभलिना बरगहाइननो साबायख र हरदों

साबायख र रादाबयाव लिरदोंदि, अलिम्पिकआव ब्रन्ज मेडेल देरहानायनि थाखाय साबायख र लाभलिना बरगहाइन। मुलुगनां थाखोनि बे गेलेमु बादायलायनायाव मेडेल देरहानानै आसामनि आरो हादतनि थाखाय नों देरगानाय आरो गोग्गानाय लाबोनो हाबाय। लोगोसे अलिम्पिकआव आसामनिफ्राय गिबि मेडेल देरहानो हानाय जानो हानानै राइज्योनि इयुन लाइमोनफोरनि थाखाय थुलुंगाखां लाबोनो हाबाय। मिर्जिंथियो फैगौ समफोराव बांसिनै गोखों आरो गोहोखौ लानानै हादतनि थाखाय गोग्गानाय लाबोनो हाबावगोन होन्नानै राइज्यो बेंगिरिया साबायख र रादाबयाव फोरमायो।

एरैहाय आसामनि दारिमिन आरो फालांगि बिफाननि मन्थि चन्द्र महन पाटवारिआबो टकिय’ अलिम्पिकआव ब्रन्ज मेडेल देरहानो हानायनि थाखाय लाभलिना बरगहाइननिसिम गहाम हामलायथि हस्नायजों लोगोसे साबायख र जासियो।▣

जौगालु बिथांखिफोरनि थाखाय आसाम सरकार, नाबार्ड आरो ए आइ एफ एनि गेजेराव रादायनि सागान

जौगाखांनायखौ सिगां फारसे आवगायलांहोगोन। गिबि मन्थि शर्माआ मिथिहोनाय बायदिब्ला दिनैनि बे रादाय खालामनायनि गेजेरजों राइज्योयाव गुबुन गुबुन खोन्दो जेरै सोलोंथाय, देहा खोन्दो, गेलेमु, टुरिजिमखौ लाफानानै गोबां खोन्दोफोराव जौगाखां बिथांखिफोर मावफुंनो हागोन। फैगौ 3 बोसोर समाव बे रादायनि गेजेरजोंनो आसामनि गुबुन गुबुन जिल्लाफोराव इन्जिनियारि कलेज, मेडिकेल कलेज, मुलुग सोलोंसालि, फरायसालि, दाबायथिलि, कल्ड स्ट्रेस बायदिफोर लुफुंगोन होन्नानै फोरमायबावो गिबि मन्थि शर्माआ। हाबाफारियाव बाहागो लानानै आसामनि रांखान्थि मन्थि अजन्ता नेयगआ राइज्योयाव जौगाखांहोनायनि थाखाय बिथांखिफोर मावफुंनो आवगायबोनायनि थाखाय नाबार्ड आरो ए आइ एफ एनिसिम साबायख र जासियो। बेराफारसे नाबार्डनि लेडाइ सामलाय बिथोनगिरि पि भि एस सुर्जकुमारआ गावसिनिफ्राय राइज्यो सरकारनो होनाय थांखिलाइखौ आजावनानै रादायनि सागान होनायनि थाखाय आसामनि गिबि मन्थि ड० हिमन्त बिश्व शर्मानिसिम साबायख र जासियो।▣

गोजौसिन गेजेर फरायसालिनि आन्जादाव उथ्रिनो हायै फरायसाफोरा आन्जाद होफिन्नो हागोन

फरायसालिमायाव मुं थिसनो नागिरोब्ला मोनबा अप्पन होनो हागोन। बेनि उनावनो फरायसालि एबा फरायसालिमाफोरा बे पर्टेलनि गेजेरजों फरायसुला–फरायसुलिफोरनो मुं थिसन्थाय होनो हागोन। रावबो सुबुंफोरा मासि थिनो हायैनि थाखाय बे थांखिखौ लानाय जादों होन्नानै सोलोंथाइ मन्थिआ बुडे। लोगोसे डिग्रि बिफाननि थाखाय 20 जौखोन्दो मासिफोरखौ बांहोनाय जानो हागौ होन्नानै बिथाडा बुंबावो। आन्जादाव जाफुसारनो हानाय फरायसाफोरनि बिथिडव पेगुआ बुडेंदि, थाबैनो जाफुसारनो हानाय फरायसुला–फरायसुलिफोरनि थाखाय मोनसे जरखा आन्जाद खुंनाय जागोन। आन्जादखौ खुंफुंनो हायैनि थाखायनो बे जरखा आन्जादखौ खुंफुंनाय जागोन होन्नानै बिथाड बुडे।

सिमना जेंनाखौ लानानै आइजलआव आसाम–मिज रामनि मन्थि थाखोनि सावराय मेल

गिबि मन्थि जरामथांगामोनहा खुंफुंनो गोनां जथुमखौ लानानै मोजां फिथाय थायगोन होन्नानै मिर्जिंथिनाय फोरमायदों। आसामनि गिबि मन्थि हिमन्त बिश्व शर्माआ टुइटनि गेजेरजों खुंफुंनो गोनां सावराय जथुमाव आसामनि सानै मन्थि फारियै अतुल बरा आरो अशक सिंघालनिसिम आसामनि जानानै गोजोन रादाय लांगोन होन्नानै फोरमायो। गुबुन फार्सेंथि मिज रामनि गिबि मन्थि जरामथांगाआ आसाम सरकारनि थान्दै आरो मिज राम सरकारनि थान्देनि गेजेराव 5 आगस्टखालि खुंफुंनो गोनां सावराय जथुमा सिमना जेंनाखौ सुस्र्णानयनि बिथिडव गोनांथार थांखि लागोन होन्नानै टुइ्ट खालामो। मख नो गोर्नादि थांनाय 26 जुलाइखालि आसाम–मिज राम सिमनायाव मिज राम पुलिसनि गुलि गावनायाव आसाम पुलिसनि सा 6 जवानफोरा जिउ गोमादोंमोन। बे जाथायनि उनावनो दरनैबो राइज्योनि गेजेराव थानाय सोमोन्दोआ गात्रि जालांदोंमोनब्लाबो उनाव मिरु नख र मन्थि अमित शाहनि हेफाजाबाव दरनैबो राइज्योनि गिबि मन्थिआ सावरायलायनायनि गेजेरजों सिमना जेंनाखौ सुस्र्णानयनि थाखाय गनायथि लायो।

चिरांनि बिजनीआव हायाव गोग्लैना थानाय ड्रग्स बोखांदों

थागिबि मनिरुल इस्लाम मुंनि सुबुंनि न’ साखाथियाव साबोननि बाख स’साव मोनो ड्रग्सखौ। बोखांनो मोत्राय ड्रग्सनि लिरथाया 1३1 ग्राम। बिजनी पुलिसआ बोखाडे बे ड्रग्सखौ।

जनेक आफसार एबा थाक्कु मुंनि सासे लाइमोनआ स्कुटिजों फैनानै गारनानै गालांदों होनना मि्थि होदों मनिरुल इस्लामनि बिसि लालभानु बिबिआ। बेनि सायाव बिजनी पुलिसनि संदात्राया सोलिगासिनो।▣

फैगौ 15 आगस्टनि गेजेराव एन एल एफ बिनि गासै सोद्रोमाफोरा गुबै दाहाराव फैगोनः एम बाथा

उदालगुरि जिल्लानि सापेकाति आरो कक्राझारनि गौरां पार्कआव डेजिगनेटेड केम्प फसंनाय जागोन। बिथाड फोरमायबावनाय बायदिब्ला एन एल एफ बिनि सा 200 सो सोद्रोमाफोरा उदालगुरि आरो कक्राझाराव फसंनो गोनां बादाफोराव थागोन। सोलिफु समाव एन एल एफ बिनि गोबां सोद्रोमाफोरा हादतनि दाब–दाब ओन्सोलफोर आरो नसुंसे राइज्योफोराव दंगासिनो होन्नानै मिथिहोबावो एम बाथाया। बिथाड फोरमायनाय बायदिब्ला कक्राझारआव फसंनो गोनां डेजिगनेटेड केम्पआव सा 120 सोद्रोमाफोर आरो उदालगुरिनि केम्पआव सा 80 सोद्रोमाफोरा थागोन। दासान्दि गुबै दाहाराव ओंखारबोनायनि सायाव आसाम सरकार आरो भारत सरकारजों सावरायनाया सोलिगासिनो होन्नानैबो खौरंगिरिनि सिगाडव फोरमायबावो एम बाथाया। मख नाय जायोदि, एन एल एफ बिनि दैदेनगिरि आरो मासिगिरि बि बुंथिगारा मोनहा दिनै कक्राझारनि गौरां पार्कआव डेजिगनेटेड केम्प फसंनो थाखाय जायगा नायफैनो कक्राझार दावबायफेदों।▣

(▣ 2 बिलाइनफ्राय)

खेमा

नाथाय रिक्सा आवलाया फेंफा होब्लासो बियो नायहरबाय नुबाय सोरबा फिसा सासे लानानै खारदों बेखौ नुना गोसारा थाथबाय खाथियाव सौफैब्ला नुबाय मिनासो। नै माथो मिनासो अब्ला मिनाया बुडो बबेयाव थांनो आदा गोसार ए नै कलेजआव थांनो फेदों अब्ला मिनाया बुडे हाबाव आदाया

कलेजाव प्रफेसार मोनबाय नामा गोसारा बुहो औलै इस्ोरनि अननायाव मोनबाय। नोंलाय– माथो साखि लाखो मिना बहाय साखि पि.इउ. खौनो फास जायाखै फिसायसो लाबाय आं गोसारआ सोडो माथो मावयो नोंना बोरायआलाय थोर औरैनो कन्ट्राक मावो जाबाय नामाब्रा दानि सिख्लाफोरा बिदिखौसो नागिरखासै मथर साइकेल गाखोनो मोनो नालाय नड ज आदा आं नोंनाव मोनसे बाथा बुंनो सानदों मा खोथा खोथाया मानि आंनि गोदोंनि दायकौ खेमा होदो आदा गोसार गोरोंन्थि जाबाय नोंखौ लायैया जाम्बा जामथा होन्नानै बासिनाया गोसार आंखों दा मा बायदि नुयो मिनाया बुडे दालाय जयै जयै मोनजाबाय

नालाय हिरनै सुनिल सेटि बायदि नुयो। जाम्ब दासो फसथायदों ओंखायनो माब्बाखौ जाम्बा होन्नानै दासान लरग’ लरग’ मानसिफ्रासो लेखा गोरों जायो मिथिबाय मिना नंगोबो लाय। बे समावनो बिफा मास्तार बाबुआ फैनानै बुंफेबाय बुंदो नों गोसार ओंखायनो मोनखानाय खाबुखौ हगार जाया आंनाबो गोरोंन्थि जादों। नोम्फाखौ रायनाया खेमा होदो होन्ना गोसारखौ गुरुब खुलुमो बिदि नडालै बाबु गोरोंन्थि जाखायो मानसिना एसे बिदि होन्ना थादो आदा गोसारनि फावथुम खावलाआव खेबसे खुदुमो आरो थाडो थादो नोंहा सोरबा अनजालि नागिरना आलो आलो राइजो जादो आंखौ

खेमा होदो आदा गोसार। गोसारआ गाबा मोखां जानानै बाय बाय लाहरो गोसारा सानबाय ईसोरनि लिरनाय माब्रै बुंनो हानो। मालाय मोजां मोनथांरिखौ आं मा खालामनो। हाय खाफाल सना मिना नोंखौ मोनोब्ला आं बेसे गोजोनगोमोन दा आंहा एसे आद्रा जाबाय सना बिदि होन्ना गोसारा कलेज फारसे आगान सुरो।

बेखायनो आं बुंनो लुबैयो बडसा फरायग्रा अनसुला अनसुलि फेंबाय बिनावाव फरायनाय समाव बेफोर बायदि सोलौनायखौ दाखलाम नडब्ला नोंनि थांकिया फैमाल जागोन। ओंखायनो गाव गसंथानो हब्ब्लासो लानांगौ जोबथा जुलि।

भारतआव कभिड-19 नि थामथि दोहौआ साग्लोबनायनि इसारा, हुआ जिंगा फोरमायदों

सारियाव थादों। एरैहाय खोला एसिया हादतमाफोरनि गेजेराव करना सन्देरनायनि फारिलाइयाव भारतआ सेंथि सारियाव दं। थांनाय 26 जुलाइनिफ्राय 1 आगस्टनि गेजेराव मुलुगनाडै 4 मिलियननि बांसिन सुबुंफोरनि देहायाव करना सन्देरनाय मोन्नो हादों। सोलिफु सप्ताहयाव मुलुगनाडै गासै 64 रोजा सुबुंफोर कभिड–19 जों जिउ गोमादों। बेराफारसे थांनाय सप्ताहयाव आमेरिकायाव खमैबो 5 लाख 43 रोजा 420 सुबुंफोरनि देहायाव गोदानै पजिटिभ मोन्नो हादों आरो एरैहाय भारतआव थांनाय से सप्ताहनि गेजाराव 2 लाख 83 रोजा 923 सुबुंफोरनि देहायाव गोदानै करना पजिटिभ मोन्नो हादों। सिगांनि सप्ताहफोरजों रुजुनानै नायोब्ला भारतआव थांनाय सप्ताहयाव करना सन्देरनायनि हारआ 7 जौखोन्दो बांसिन्दों। बेखौ नोजोर होनानै वर्ल्ड हेल्ट अरगानाइजेसनआ भारतआव कभिड–19 नि थाम्थि दोहौनि फारसे सांग्रांथि होनायजों लोगोसे जिंगा फोरमायदों।▣

बाक्सानि औवाबारिआव एस बि आइ नि बायगिरि सिबिथाय मिरुआव हाथियार दिन्थिनानै दुथांफोरा 4 लाख रां लुथिदों

इण्डियनि बायगिरि सिबिथाय मिरुआव बे रां लुथिनाय जाथाया सोमजियो। सार्ननि समावनो सोमजिनाय बे दाकातिनि जाथाया ओन्सोलनाडैनो गिखांनाय थासारि सोमजिहोदों। गुबुन फार्सेंथि राइजो–राजाफोरनि हेफाजाबाव पुलिसआ सासे दाकातखौ हमनो हानायजों लोगोसे साथाम दाकातफोरा बाहायनाय गंनै मटर साइकेलखौबो हमनो हायो। मिबथिनो मोन्नाय बादिब्ला दिनै सानजौफुनि समाव औवाबारिआव थानाय एस बि आइनि बायगिरि सिबिथाय मिरुआव नाजिर हुसेंइन मुंनि लाइमोन। सानै बायगिरिफोरजों जिरायबाय थानाय समाव गंनै पालसार मटर साइकेलआव फैनाय साथाम लाइमोनआ मिरुआव हाबनानै नाजिर हुसेंइनखौ गाग्लोबनानै बायगिरि सिबिथाय मिरुआव थानाय खमैबो ब्रै लाखनिबो बांसिन रांखौ लुथियो। नाथाय जाथायखौ नुनानै साखाथियाव थानाय सुबुंफोरा होस्रिखावना होनायाव राइजो–राजा आरो साखाथियाव थानाय पुलिसआ दाकातफोरखौ होसो लांनायाव मटर साइकेलखौ गारनानै खारनो नाजानाय समावनो सासे दाकातखौ पुलिसआ हमनो हायो। लोगोसे जाथयथिंथिलिन्फ्राय दाकातफोरा बाहायनाय गंनै पालसार मटर साइकेलखौबो पुलिसआ हमनानै थानासिम लानानै थाडे। बेराफारसै हमनो हानाय दाकातखौ औवाबारि पुलिस थानायाव दोन्नायजों लोगोसे खारखुमा लांनाय गुबुन सानै दाकातफोरखौ हमनो थाखाय पुलिसआ ओन्सोलाव सिग्रोमनाय हाबाफारि लादों होन्नानै मिबथिनो मोन्नाय जादों।

बाक्सानि भारत–भुतान सिमानि स नाजुलि–सुबनखाता लामाया राइजो–राजाफोरखौ जेंनायाव खोख्नैदों

दैसानि दैया दाबनै जायगायाव लामाखौ बूस’लांदोंमोन। उनाव ओन्सोलनि राइजो–राजाफोरा गावसोरनि रां बाहायनानै बायस’लांनाय बाहागोआव औवानि दालां लुनानै हान्था–मेला खालामबोदोंमोन। ओन्सोलनि राइजो–राजाफोरा बै समनि बि पि एफ दैदेन्नाय बि टि सि सरकारनिसिम गोबां खेब खावलायदोंमोनब्लाबो नाथाय बे बिथिडव जेबो राहाफारि लानाय नुनो मोनाखिसै जायनि जाउनाव बे ओन्सोलनि राइजो–राजाफोरा दिदैनैसिमबो हान्था–मेलानि मुडव गोब्राव जेंनाजों मोगा–मोगि जाबोनांदों। जरखायै स’नाजुलि, झारबस्टि बायदि गामिनि सुबुंफोरा बेरामिखौ एम्बुलेन्सजों देहा फाहामसालिसिम लांनो मोजां लामानि फोनांजाव गैथैनि थाखाय ३–4 माइलनिबो बांसिन गोलाव लामाखौ हान्थिनो गोनां जाबोदों। बेनिखायनो बे ओन्सोलनि राइजो–राजाफोरा दैसानि दैया बूस’लांनाय दाबनै बाहागोआव कालभार्ट लुफुंनानै हान्था–मेलानि राहाखौ मोजां खालामनो थाखाय आथिखालनि गोदान सरकारनिसिम दाबि दैखांहरदों।

गसाइगाव पुलिसआ 5 रोजा फेग्रा टेबलेटखौ बोखांनायजों लोगोसे सासे सुबुंखौ हमदों

दैदेनायाव मोनसे हान्जाया ग्राहामपुर् ओन्सोलाव डब्लिउ बि 64 एस 7732 नम्बरनि हन्डा साइन मटर साइकेलजों फैबाय थानाय हासमत आलि (27)खौ सिग्रोमनाय समाव 5 रोजा फेग्रा टेबलेटफोरखौ बोखांनो हायो। हमनो हानाय सुबुंखौ सोनाव बंगनि कचबिहारनि बक्सिरहाट जिल्लानि थागिबि सालाम शेखनि फिसाज्ला हासमत आलि शेख होन्नानै सिनायथिदों।

सा–सान्जा भारतनि राइज्योफोराव करनानि साग्लोबनाया बांसिन्दों

राइज्योयाव बयनिखुइ बांसिनै सुबुंफोरनि देहायाव करना सन्देरनायनि रिपर्टखौ मोन्नो हादों। बेराफारसे हादतनि गुबुन बाहागोजों लोगोसे सा–सान्जा राइज्योफोरावबो दासान्दि करना सन्देरनाया गोख्रोडै बांसिनगासिनो थानायखौ नुनो मोन्दों।

मख जाथावदि, सा–सान्जा भारतनि दर 3 राइज्योफोराव हादतनि गासै सुबुं सानखोआ ३.8 जौखोन्दो बाहागो। नाथाय करना सन्देरनायनि बेलायाव सा–सान्जा राइज्योयाव 14 जौखोन्दो जानानै दं। सा–सान्जानि बे दर 8 राइज्योफोराव करना सन्देरनाय बिसानआ दिनै 4 आगस्टखालि गासै 51,143 सिम जादों। थांनाय 20 जुलाइखालि बे राइज्योफोराव करना सन्देरनायनि बिसानआ 49,455 ल’मोन। फारिलाइ बायदियै गुबुन राइज्योजों रुजुनायाव दासान्दि मिज राम राइज्योयाव करना भेक्सिन होनाया बांसिन जादोंब्लाबो नाथाय बे राइज्योयावनो करनानि सन्देरनायाबो गोख्रोडै गोसारनायखौ नुनो मोन्दों। सोलिफु समाव मिज रामनि करना एक्टिभ केसआ 12,663 सिम दं, थांनाय सप्ताहयाव एक्टिभ केसआ 10,500 सिमल’मोन।

भारतनाडै मोन 12 जिल्लाफोराव थांनाय 4 सप्ताहनि गेजेराव सानफ्रोमबो करना सन्देरनायनि अन्जिमाया बांसिनगासिनो थानायखौ मोन्नो हादों। बेनि गेजेराव मोन 13 जिल्लाफोरा सा–सान्जा राइज्योनि। देहा बिफाननि फारिलाइ बायदियै सा–सान्जा राइज्योफोरनि मोन 57 जिल्लाफोरनि गेजेराव मोन 48 जिल्लाफोराव थांनाय 7 साननि गेजेराव बांसिनै करना सन्देरनायनि रिपर्टखौ मोन्नो हादों।

रिपर्ट बायदियै सोलिफु समाव सा–सान्जा राइज्योफोरनि गेजेराव मिज रामआव बांसिनै करना पजिटिभनि हारखौ मोन्नो हादों। बे राइज्योयाव करना महामारिया जागायनायनिफ्राय दासिम 40996 पजिटिभ केस मोन्नो हादों। सोलिफु समाव मिज रामआव गासै 12,663 एक्टिभ केस दं। एरैहाय करना एक्टिभ केसनि बेलायाव आसामआ नैथि सारियाव दं। आसाम राइज्योयाव सोलिफु समाव एक्टिभ केसनि बिसानआ गासै 12,440 सिम दं। आसामआव दासिम गासै सा 5,69,439 सुबुंफोरनि देहायाव करना सन्देरखांबाय। थामथियाव मणिपुर राइज्योया दं। सोलिफु समाव मणिपुरयाव 9490 एक्टिभ केस दं। मणिपुराव दासिम से लाखनि बांसिन सुबुंफोरनि देहायाव करना सन्देरखांबाय।

बेबायदिनो 5,574 एक्टिभ केसजों मेघालयआ ब्रैथि सारि आरो 3,401 एक्टिभ केसजों सिक्किमआ बाथि सारियाव दं। 6 थि सारियाव अरुणाचल प्रदेश, जेराव सोलिफु समाव 3,352 एक्टिभ केस दं। बेबायदिनो 2964 एक्टिभ केसजों त्रिपुराआ 7 थि सारियाव आरो 1261 एक्टिभ केसजों नागालेन्डआ 8 थि सारियाव दं।▣

कक्राझारआव टि बि बेरामनि सायाव सांग्रांथियारि मेल खुंदों

जानांगीनि बागै गुवारै बोसोन होयो। हाबाफारियाव बिथां ड० दासआ बुडोदि, सेन्ट्रेल टिबि डिभिजननि बिथोन बायदियै नेसनेल टिबि इलिमिनेसन प्रग्राम, कक्राझारआ जिल्लानि गासै ओन्सोलफोरवनो सुबुं समाजनि गेजेराव टिबि बेरामनि बागै सांग्रांथि लाबोनो थाखाय मोनसे सुबुं सोमावसार थामहिनबा जन आन्दालन हाबाफारि जागायदों।

बे हाबाफारिनि बाहागो महरै कक्राझार जिल्लानि सिडाव थानाय गुबुन गुबुन ओन्सोलफोराव सांग्रांथियारि लाबोनायजों लोगोसे गोर्बांयाव गथ’ थानाय आइजोफोर आरो बैसो जानाय हिन्जावसाफोरनि गेजेराव टिबि स्क्रिनि खालामनाय जादों। एन टि इ पिआ कक्राझार जिल्लानि गासै ओन्सोलफोरावनो बे हाबाफारिखौ बान्जायनो थाखाय थांखि लानाय जादों। बेनिखायनो ड० दासआ एन टि इ पि, कक्राझारनि जागायनाय बे टिबि बेरामनि सांग्रांथियारि हाबाफारियाव बाहागो लानानै मदत होफानो थाखाय साफ्रोमबो सुबुंफोरखो खावलायहरदों।▣

हादतनि उदांश्री सानखौ मेहेर गोनाडै खुंफुंनो थाखाय बिजनी महकुमा खुंथायनि साखा–फारा

महकुमा खुंथायनि मावफारिया, गुबुन गुबुन बिफाननि मावफारियाफोर, सुबुं थान्दै, समाज सिबियारि आरो गुबुन गुबुन समाजारि आफाद गौथुमफोरनि दैदेनगिरि सोद्रोमाफोरखौ लानानै मोनसे सावराय मेल खुंनाय जादों। बे खेवाव बिजनी महकुमा खुंथाया हादतनि उदांश्री सान फालिनायजों लोब्बा लाखिनानै महकुमानि सिडाव थानाय गुबुन गुबुन खोन्दोनिफ्राय फैनाय जेरै गेदेमा गेलेगिरिफोर, आबादारिफोर आरो कभिड–19 महामारिनि समाव सुबुं सिबिथाय होनाय माखासे सायख’जानाय बिथांमोनखौ बरायनायनि थांखि लादों।

बिजनी महकुमा बेंगिरिनि मावखुलिनि सावराय नब्लाडव खुंनाय बे मेलयाव महकुमा मावख गिरि दिबाकर नाथआ फोरमायबावदोंदि, महकुमा खुंथाया बे खेबनि उदांश्री सान फालिनायाव महकुमानि सिडाव थानाय माखासे सायख’जानाय सुबुंफोर जेरै जि एन एम, ए एन एम, पुलिस सान्थि, हमगार्ड, कालासि, गेलेगिरि, फोरोंगिरि आरो माखासे मानिजाथाव आबादारिफोरनो गावबा–गावनि फोथाराव समाजनि थाखाय बेसेन गोसा बिहोमा होबोनायनि थाखाय बिथांमोनखौ बरायनायजों लोगोसे मान बाउगोन। बेनि लोब्बायैनो महकुमा मावख गिरि दिबाकर नाथआ बिथांमोनबादि बिहोमा होबोनो हानाय गेदेमा आरो मानिजाथाव सुबुंफोरनि मुं फारिलाइखौ गावनि मावखुलिसिम दैथाय हरनो थाखाय बिफानारिफोरखौ बिथोन होदों। लोगोसे बिसोर बायदि गेदेमा आरो मानिजाथाव सुबुंफोरनि मुं साइख नो थाखाय ओन्सोलनि माखासे दैदेनगिरि नोगोरारि आरो मावख गिरिफोरखौ लानानै मोनसे सायख’ आफाद दानोबो फोसावनाय जायो।

बे मेलयाव उदांश्री सान फालिनायजों लोब्बा लाखिनानै लाभलिना बरगहाइनआ टकिय’ अलिम्पिकसिम दावबायनायनि मोन्थोरखौ लानानै फरायसाफोरनि सावगारि आखिनाय बायदायलायनाय आरो रनसाय लिरनाय बायदायलायनाय हाबाफारि खुंनो फरायसालिनि नायसंगिरिफोरखौ खावलायो। लोगोसे उदांश्री सान फालिनायाव महकुमानि सिडाव थानाय गुबुन गुबुन हारिनि हारिमुवारि हान्जाफोरनि हारिमु दिन्थिफुंनायनि थियारि खालामनो हारिमु बिफाननि मावख गिरिखौ बिथोन होनायजों लोगोसे उदांश्री साननि सिगां बिजनी नोगोरनि सोरगिदिं ओन्सोलखौ साखोन–सिखोन खालामनायनि थाखाय सिबस्त्रांनाय एबा साखोन–सिखोन खालामनाय हाबाफारि बान्जायनो थाखाय बिजनी मिउनिसिफाल बर्डनि मासिगिरिखौ खावलायो।

दिनैनि बे मेलयाव बि टि सिनि एम सि एल ए प्रदिप बयान, समाजारि मावथि सबिर कुमार दास, हरिलाल बयान, चिरां जिल्ला आसाम साहित्य सभानि लेडाइ आफादगिरिजों लोगोसे बिजनी सार्कौल अफिसार आरो लेडाइ महकुमा बेंगिरिफोराबो बाहागो लादोंमो।▣



शाहरुखआ गौरिखौ पेरिसनि सिमां नुहोना दार्जिलिंआवसो हानिमुनआव लांदोमोन

गोदान दिल्ली, 4 आगस्ट: बलिउडनि किं खान थामहिनबा शाहरुख खानखौ रमान्सनि बादशाह बुं'नाय जायो। सावथुनआव गावनि स्मॉन्टिक आखुजौं सुबुंफोरनि गोसोखौ बोनो हानाय शाहरुख खानआ मोगथां मुलुगआव गावनि बिसिखौ हानिमुनआव लानानै थानायनि मोनसे बाध्याया सोराडव फैंदो, जेराव बियो गावनि बिसिखौ थगायदोमोन। शाहरुख आरो गौरिनि जुलिया बबेबा सावथुननि सल'निफ्राय खमसिन नड॥ जुलि लाखानायनि उनाव शाहरुखआ बिसिखौ मुम्बाइयाव लाबोफादोमोन। नाथाय मोनसेनि उनाव मोनसे सावथुननि शुटिंआव मुखुब जानानै थानाय साहरुखआ खाबुखौनो मोनाखैमोनदि, गावनि अन्जालि बिसिखौ हानिमुनआव लानो हायो। जेव्हा शाहरुखआ जुलि जादोमोन वे



मुम्बाइयाव लाबोफादोमोन। नाथाय मोनसेनि उनाव मोनसे सावथुननि शुटिंआव मुखुब जानानै थानाय साहरुखआ खाबुखौनो मोनाखैमोनदि, गावनि अन्जालि बिसिखौ हानिमुनआव लानो हायो। जेव्हा शाहरुखआ जुलि जादोमोन वे

समाव बियो राजु बन गया जेन्टेलमेन सावथुननि शुटिं खालामनो थानोमोन। सावथुनफोरव बिजि जानायनि उनावबो बियो बिसि गौरिखौ हानिमुनआव लानो खोथा होदोमोन। बियो हानिमुनआव गौरिखौ पेरिस लानो खोथा होदोमोन। नाथाय शाहरुखनिआव बै समाव पेरिसआव बिसिखौ लानो राडानो गैयामोन। मोनसे भिडिअआव मस्ट स्टाइलिस

कापल एवार्ड लानो थाखाय जेव्हा शाहरुखआ जोसाडव सौफैयो अब्ला बिन सिगाडव माखासे गोजाम फट'पोरखौ दिन्थिनाय जादोमोन। बे फट'फोर शाहरुख आरो गौरि खाननिमोन। बेनिनो मोनसे फट'नि बाध्याखौ शाहरुखआ श्व'नि हस्ट बिक्की कौशलनो फोरमायदो। बियो बुंदो, बे फट'आ आनि पेशराइट। जेव्हा जौनि जुलि जादोमोन अब्ला आं जोबोद निखावरिमोन आरो गौरिआबो मिडिल क्लास नख'रनिमोन। साफ्रोमबो फिसाइ बादिनो आंभो आनि बिसिखौ पेरिसआव लानो सिमां नुहोदोमोन। नाथाय आंनियव बै समाव राडानो गैयामोन। शाहरुखआ फोरमायबावोदि, खुनुखुमै गनायहोनानै गाव बिसि गौरिखौ गावजौं लोकोसे शुटिंआव दार्जिलिंआव लाफानानै थानोमोन। बे समाव दार्जिलिंआव राजु बन गया

जेन्टेलमेननि दोंसे देखोनि शुटिं खालामनो थानोमोन। बै समाव गावबादिनो गौरिआबो गुबुन हादरआ दावबायहैयाखैमोन। बेनिखायनो बियो बारा मिथियामोन। गाव दार्जिलिंखौनो पेरिस होन्नानै गौरिखौ बैयाव लांदोमोन। बेनो गावसिनि हानिमुनमोन। मख'जाथावदि, गौरि आरो शाहरुखनि जुलिआ 1991 आव जादोमोन। दिल्लीआव जुलि लाखानायनि उनाव शाहरुखआ गौरिखौ लानानै थोजोडै मुम्बाइआव गाव दिल आशियाना है सावथुननि सेटआव थानोमोन। बैयाव सौहैखानानै शाहरुखआ गौरिखौ गावनि मेकआप रुमआव दोन्नानै शुटिं खालामहैया। जेव्हा हरनि 2.00 रिगायाव शुटिं जोबनानै शाहरुखआ फैंयो अब्ला गौरिआ बैयावनो गंसे सियावआव उन्दुलांबायमोन।

रेपार देखोगिरि हनी सिंनि हेंथायै बिसिया केस थिसन्दों



गोदान दिल्ली, 4 आगस्ट : रेपार देखोगिरि पप हनी सिं एबा हृदेश सिंनि हेंथायै बिन अन्जालि बिसि शालीनि तलबारआ नख'रनि हिंसांनि केस थिसन्दों। हनी सिंनि बिसिया दिल्लीनि तीस हाजारी कर्टआव केस थिसन्दों। शालीनिया नख'रनि हिंसांनिफ्राय आइजोफोरनि रेखाथि बिथोनमानि गेजेरजौं केस थिसन्दों। बे केसखौ मंगलबारवनो गाहाय मेट्रपलिटान मेजिस्ट्रेट तानिया सिंनि कर्टआव फारिलाइयाव थिसन्दोंमोन। कर्टआ हानी सिंखौ 28 आगस्टनि गेजेराव फिन्नाय होनो थाखाय नटिस दैथायहरदो। कर्टआ शालिनि तलबारनि फासैंथिं अरायथा नडे बिथोनमाखौ पास खालामदों, जेराव हानी सिंखौ बिसिजौं जुथायै सानैनिबो मुंथानाय प्रपाटिखौ बाहायनो थाखाय होबथादों। उकिल सन्दीप कापुर, अपुर्ब पान्डे आरो जिजि कश्यपमोनहा हनी सिंनि बिसि शालिनीनि जानानै केस फाइल खालामदों। हनी सिं आरो शालिनीनि जुलिया 2011 आव दिल्लीनि गंसे गुरुद्वारायाव आसारखाथि बादिथे जादोमोन। 2014 आव हानी सिंआ रिथेलिटि श्व' इन्डियाज रकस्टारनि मोनसे एपिसडआव गावनि बिसिखौ सुबुंफोरनो सिनायथि होदोमोन। बे समाव सुबुंफोरा गोमोदोंमोनदि, बियो बलिउडनि मेगा प्रजेक्टसआ फाव खालामनायनि सिगांनो जुलि लादों। जुलिनि 10 बेसोरआव शालिनीया गावनि फिसायनि सायाव देहा सोलेरारि एबा बुलाय-सोलाय आरो गोसोआरि हिंसा खालामनायनि दाय जाबसिन्दों।

अक्षय कुमारनि बेल बटमआव आगु गाहाय मन्थिनि फाव खालामनाय फावखुंग्रिनि सावगारिआ रोखा जादों

गोदान दिल्ली, 4 आगस्ट: बलिउड फावखुंगुर अक्षय कुमारनि मस्ट वाइटेड सावथुनफोरनि मोनसे बेल बटमआ थाबैनो रिजिज जानो हासिगौ। बे सावथुननि ट्रेलारखौ मंगलबारखालि नायगिरिफोरनो फोसावनानै होनाय जाखौबाय। बे सावथुनआव अक्षय कुमारखौ गाहाय फावआव नुनो मोनगोन आरो माखासे बलिउड डिबाखौबो गाहाय फावआव नुनो मोनगोन। बे सावथुनआव बामी कापुर, हुमा कुरेसी आरो लारा दत्तमोननि आखुआबो मख'जाथाव। साननै सो सिगाडव नुजाथिन्या ट्रेलारआ गोबां सावरायनाय मोन्दों। ट्रेलारआव सा 210 दावबायारिफोरखौ हाइजेक्ट

खालामग्राफोरनिफ्राय रेखाथि खालामनायनि आबुं सल'खौ दिन्थिदों। बे सावथुनआ मोनसे नुंगुबै जाथायजौं थुलुंगाखानाय। अक्षय कुमारखौ बेल बटमआव आन्डर कभार एजेन्टनि फावआव नुनो मोन्दों, जायनि कट मुड बेल बटम। सा 210 दावबायारिफोरखौ रेखा खालामनायनि बिबानखौ भारत सरकारआ अक्षय कुमारनो गथायगोन। ट्रेलारआव गाहाय मन्थिनि आखुखौबो दिन्थिदों, जेराव बिखौ गासैबो बिथोनखौ फोसावनानै होनाय नुनो मोन्दों। बे सावथुनआव गाहाय मन्थिनि आखुआव फाव खालामनाया 55-60 बेसोर बैसोनि आइजो नड, बियो सासे जौमोन बैसोनि आरो समायना लाइमोन

फावखुंग्रिसो। गाहाय मन्थिनि आखुआव फाव कालामग्रा फावखुंग्रिआ रवबो नड, लारा दत्तसो। बे आखुआव लारा दत्तखौ खेबसेयावनो सिनायथिनो हानाया गोब्राव। लारा दत्तखौ बे आखुआव इन्डिया गान्धी बादिनो एखे नुनो मोन्दों। इन्डिया गान्धी बादिनो खानाय स्टाइल, सारि गान्थायखौ लारा दत्तआ कफी खालामदों। बे आखुआव फाव खालामनो थाखाय लाराया प्रस्थेक्स मेकआपनि मदद लादों। लारनि बे महखौ नुनानै फेन्सआ गोमोदों आरो बिन सावगारिआ ससेल मिडियाआव गोबां भाइरेलबो जादों, लोकोसे बेनि मेकआप आर्टिस्टखौबो बाखायनो बावगाणखै सुबुंफोर।

लिजेन्डारि सिंगार किशर कुमारनि गुबै मुड आभास कुमारगांगुलीसोमोन




गोदान दिल्ली, 4 आगस्ट: किशर कुमारआ लिजेन्डारि देखोगिरि जानायजौं लोकोसे सासे मोजां फावगिरि, मिडजिक डिरेक्टर, लिक्विड लिग्गिरि, प्रिडिसार आरो स्क्रीन राइटरबो। 1929 नि 4 आगस्टआव जोनोम मोननाय किशर कुमारआ हिन्दीनि अनगायै बंगली आरो तामिल रावआवबो गोबां ब्लकबास्टर दैको होखांवाय। दिनै देखोगिरि किशर कुमारनि जोनोम सानआव माखासे मख'जाथाव बिन जिउनि बाध्याखौ मिथिनानै लानि। बिन नुंगुबै मुड आभास कुमार गांगुलीमोन। बियो खन्डभा, मध्यप्र देशआव जोनोम मोन्दोंमोन। किशर कुमारआ गावनि के रियारखौ मम्बे टकीजजौं जागायदोमोन। 1946 आव फैंनाय शिकारी सावथुनआव गिबिबै किशर कुमारआ फाव खालामदोंमोन, जेराव बिन बिदा अशक कु मारआ गाहाय फाव खालामदोंमोन। किशरआ हलिउड दै'कोगिरि आरो

फावखुंगुर डेनो कायनि सासे गिदिर फेनमोन। बियो गावनि केमेरायाव डैनिनि पस्टारबो सिथावनानै लादोंमोन। बिदा अशक कुमारआ किशरखौ गाव बादिनो सासे पावखुंगुर जाजानो लुबैदोंमोन, नाथाय बियो फाव खालामनायाव गोसो गैयामोन। किशरआ गासै साब्रै आइजोफोरखौ जुलि लादोंमोन। रुमा गुहा, मधुबाला, यगिता बाली आरो लीनामोनहा बिन बिसिमोन। मधुबालाखौ जुलि लानो थाखाय किशरआ इस्लाम धोरामखौबो गनायदोंमोन।

मुस्लिम दोरोमआव हाबनायनि उनाव बियो गावनि मुंखौ करिम आबुल लादोंमोन। किशर कुमारआ गावनि केन्टिन होग्रानिफ्राय 5.75 रां लादोंमोन, बे बाध्यानिफ्राय थुलुंगाखानानै बियो पाच रुपैया बारह आना दै'खोखौ बानायदोंमोन। किशर कुमारनि न'नि बाइजोआव किशर कुमार से सावधान लिन्नाय बर्ड दडमोन। बियो आइजोफोरनि गाराडवबो देखो रेजाबोमोन। ए लडकी भीगी भीगी सी देखोखौ किशर कुमारआनो आइजोनि गाराडै रेजाबदोंमोन।

कलकातानि थाखाय मोजां खौरां, केप्टेन इयन मार्गनआ इउएडआव जानो गोनां टुर्नामेन्टनि 14 थि सिरिजनि नैथि हाफआव बाहागो लागोन

गोदान दिल्ली, 4 आगस्ट: आइपिएल 2021 नि नैथि हाफआ फैंगो 19 सेप्टेम्बरनिफ्राय इउएडआव खुंजागोन। बेनि सिगांनो क ल क 1 त 1 नाइयाइडास(केकेआर)निमिम मोनसे मोजां खौराड सोराडव फैंदों। केप्टेन इयन मार्गनआ टुर्नामेन्टनि 14 थि सिरिजनि नैथि हाफआव बाहागो लागोननि फासैं रोखा फोरमायदों। बांलादेशनि हेंथायै फैंगो सेप्टेम्बर-अक्टबरआव जानो गोनां खेबथाम वन्डे आरो खेबथाम टी-20 मेच सिरिजखौ इंग्लेण्ड एन्ड वेल्स क्रिकेट बर्ड (इबिसि) आ दोन्थ'बाय। बिन उनावनो इंग्लेण्डनि के प्तेनआ बेनि सोमोन्दै फोरमायदों। इंग्लेण्डनि गुबुन



गेलेगिरिफोर आइपिएल 2021 नि नैथि हाफआव बाहागो लागोन एबा लार्थेनि फासैं मार्गनआ बेफोर गासैबो गाव-गावनि थांखि लानायनि सायाव थागोन होन्नानै फोरमायदों। मार्गनआ आधिकालाव डा हान्डेड

गाहाम देहानि राहा थालिरआ देहानि थाखाय मुलाम्फा गोनां

थालिर फिथायआ देहानि थाखाय मुलाम्फा गोनां। बेफोर जादों-

(1) थालिर फिथायआव ट्रिप्फेन मुनि तत्व मोन्नाय जायो। बे ट्रिप्फेननि जाहोनाव जौनि देहायाव सेरटनिन सोमजि खाडो। सेरटनिनखौ हेप्पी हर्मबो बुंनाय जायो। बेजौं जिगा सिनायआबो जानागार जायो। (2) थालिर फिथायनि स्टार्चआ दोगोन तन्त्रनि गुड बेक्टिरियायि थाखाय मुलाम्फा गोनां जायो। थालिर फिथायआव एन्टी एसिडबो थायो। जुदि विखाआव आलौनाय दब्ब्ला



थालिर फिथायखौ जाब्ला मुलाम्फा मोनगोन। (3) थालिर फिथायआव फाइबरखौ गोबां बिबांनि मोन्नाय जायो। ब्रेकफास्टआव थायसे थालिर फिथाय जाब्ला गोबाव समसिम उखैनाय मोनआ। बे रोखोमै गुफुं देहाखौ सामलायनो हागोन।

(4) थालिर फिथायआव थोजासे बिबांनि कार्बहाइड्रेट मोन्नाय जायो। बेखौ जाब्ला थाबैनो उदे बुंनाय मोनो। थालिर फिथायखौ जाब्ला इन्स्टेन् एनार्जी मोनो। (नट: बेखौ बाहायनायनि सिगां डास्टारनि बोसोन लानांगो।)

चकलेटआव देहानि मुलाम्फा गोनां मुवा थायो



चकलेटआ देहानि थाखाय मुलाम्फा गोनां। बेनि मुलाम्फाखौ गाहायआव फोरमायनाय जाबाय। (1) फुं एबा हरनि समाव मिल्क चकलेट जाब्ला

गुबुन गुबुन थासाारिआवबो मोजां गोहोम गोर्लैयो। (3) फुंनि समाव एसे बांसिन मिल्क चकलेट जाब्ला गुफुं देहा आरो ब्लाड ग्लुकजनि थाखोखौ खम खालामनायाव मदत मोनो। (4) बे लार्सि आरो हरनि समाव मिल्क चकलेट जानायजौं फुं नि रेस्टिं एबा एक्सरसाइज जानायजौं फुं नि रेस्टिं एबा एक्सरसाइज मेटाबलिज्मनि सायाव फारमाथिखौ नुनो मोनो।

देहानि लिन्थायआ बाड। (2) फुं एबा हरनि समाव चकलेट जानायजौं जाग्रा आदार जानो उखैनाय आरो डाइट, माइक्र बायटो कम्पजिसन, उन्दुनाय आरो

सावथुनआव सहा आली खानजौं खुदुमलायनाय नुथायाव आर माधबननि खुगाया रानखांदोंमोन

गोदान दिल्ली, 4 आगस्ट: बिथोनगिरि रकेश अम प्रकाश मेहरया आधिखालाव गावनि अट'बायग्राफी दा स्ट्रेन्जार इन दा मिस्खौ लानाने खौराडव सागलोबसारदों, जेराव बियो गावनि पार्सेनेल आरो प्रफेसनेल लाइफनि माखासे बाध्याफोरखौ सोराडव लाबोदों। रकेश अम प्रकाशनि बे बिजाबनि गेजेरजौं फावखुंगुर आर माधबनआ सोराडव लाबोदोंदि, गाव रंग दे बासन्ती सावथुनआव सहा आली खानजौं स्मॉन्टिक सीन खालामनाय समाव जोबोद नाभास जादोंमोन। माधबन



सावथुनआव खुदुमलायनाय सीन खालामनाय समाव गाव सहानि बिदा सैफ आली खानखौ गोसोखांबाय थादोंमोन। माधबनआ ससेल मिडियाआव लिन्थे-बै समाव आं मोनसे बाध्या सान्दोंमोन, बेनो जादोंमोन सैफ आली खान, जायजौं आं सिगाडव रहना है तेरे दिल मे सावथुनआव फाव खालामदोंमोन। बे सावथुनआव गावसोर सानैजौं सुथुरनि फाव खालामदोंमोन। सैफखौ गोसोखांनाय लोको-लोको आंनि गुसुथिया रानखांदोंमोन। नाथाय आं सासे आइडियेल बयफ्रेन्ड बेखौ दिन्थिनगोमोन। बेयो आंनि अन स्क्रीन गिबि किस खालामनायमोन। माधबनआ कि सिं सीननि अनगायै फोरमायबावोदि, सावथुनआव गावनो गिबियाव सिंघानियायि आखुनि अफार फैंदोंमोन। जायखौ उनाव तामिल फावखुंगुर सिद्धार्थआ फाव खालामदोंमोन। बेराफासैं लेफ्टनेन्ट अजय राठौरनि थाखाय मेकआसनि गिबि सायख'नाया गाव नडमोन शाहरुख खानसोमोन।

मुस्लिम दोरोमआव हाबनायनि उनाव बियो गावनि मुंखौ करिम आबुल लादोंमोन। किशर कुमारआ गावनि केन्टिन होग्रानिफ्राय 5.75 रां लादोंमोन, बे बाध्यानिफ्राय थुलुंगाखानानै बियो पाच रुपैया बारह आना दै'खोखौ बानायदोंमोन। किशर कुमारनि न'नि बाइजोआव किशर कुमार से सावधान लिन्नाय बर्ड दडमोन। बियो आइजोफोरनि गाराडवबो देखो रेजाबोमोन। ए लडकी भीगी भीगी सी देखोखौ किशर कुमारआनो आइजोनि गाराडै रेजाबदोंमोन।

दावहायाव भारतखौ आखाइ होनो खावलायदों आफगान रैखाथि मन्थिआ

काबुल, 4 आगस्ट : आफगानिस्ताननि रैखाथि मन्थि जेनेरेल बिस्मिल्लाह महम्मदीनि न'नि साखाथियाव मंगलबारखालि कार बमाजों गाग्लोबदों। बेनि उनाव गुलि गावनाय आरो ग्रेनेड बेरफुनायनिबो सोदोब खोनानो मोन्दों। बे जाथाया बै जायगानि खम बादिदै, काबुलनि डिस्ट्रिक्ट 10 नि शिरपुर ओन्सोलाव जादों। रैखाथि मावख'नि बुंथिगिरिनि बादिक्ला, रैखाथि मन्थि आरो बेनि नख'रआ रैखाथियै दड। फार्सिथि आफगानिस्ताननि

माखासे सहरफोराव सुबुंफोरा तालिबाननि हेंथायै लामायाव ओंखारना धना होदों। गुबुन फार्सिथि आफगानिस्ताननि गुबुन हादतयारि मन्थि महम्मद हनीफ अतमारआ तालिबाननि हिंसाखौ होबथानो थाखाय भारतखौ आखाय होनो खावलायदों। बमा बेरफुनाय जाथायनि उनाव जलालाबादआव गोबां अन्जमानि सुबुंफोरा लामाफोराव ओंखारनो आरो आफगान रैखाथि हान्जाखौ हेफाजाब होनानै स्लगान होयो। बे जाथायखौ दावि दैखानाय जादोंदि, रैखाथि मन्थिखौ

थांखिनो थाखायनो गाग्लोबदों। काबुलनि सुबुंफोराबो तालिबाननि हेंथायै लामायाव ओंखारदों आरो आल्लाह-अ-आकबर बुंनानै मार्च खालामनायखौ नुनो मोन्दों। आफगानिस्ताननि गुबुन हादतयारि मन्थि महम्मद हनीफ अतमारआ भारतनि गुबुन हादतयारि मन्थि एस जयशंकरजों फनआव बाथा रायज्यायनानै बेयाव आखाय होनो खावलायदों। सरासन्नायै इउएननि रैखाथि परिषदनि आफगानिस्ताननि सोमोन्दै

मोनसे इउएन रैखाथि परिषदनि इमारजेन्सि जथुमा लिनो थाखाय भारतखौ बुंदों। बियो बुंदोंदि, तालिबाननि हिंसा आरो इनाय अनागार खालामनायनि जाहोनाव फैनो गोनं खैफोदखौ होबथानो थाखाय इउएन आरो हारिमायारि फेलेरआ गाहाय बिफानि लानांगोन। आफगानिस्ताननि गोबां सहरफोराव सांन्थि आरो तालिबाननि गेजेराव दावहाया सोलिगासिनो। आफगानि मन्थिआ लस्करगाह आव तालिबानजों दावहा नांगसिनो। खोला हेलमन्ड राइज्यो आरो

फ्रन्टलाइन जिल्लायावबो दावहाया गोखै जासिनबाय। थानाय 24 घन्टायाव माखासे सहरफोराव रैखाथि हान्जाफोर आरो तालिबाननि गेजेराव 28 जायगाफोराव दावहा जायो। लस्कारगाहआ जानाय दावहायाव थानाय 24 घन्टायाव सा 40 सरासन्ना सुबुंफोरा जिउ गोमायो आरो सा 100 नि बांसिन जोखोम जायो। आथिखादलाव तालिबानआ आफगानिस्ताननि मोन 213 जिल्लाफोराव सांग्राइ दड एबा दखल खालामना लादों, 116 जिल्लाफोरखौ दख'लाव लानो थाखाय दावहा सोलिगासिनो आरो मोन 68 आ सरकारनि आखायाव दडालं वार जार्नेलनि बादिक्ला, दर 34 राइज्योफोरनि राजथावनिफोरनि दर 17 आव तालिबानजों थोंजोडै खैफोद दड।

निउयर्क गभर्नरनि सायाव सा 11 आइजोफोरा जिनाहारि खालामनायनि दाय जाबसिन्दों



निउयर्क, 4 आगस्ट : आमेरिकाआव निउयर्कनि गभर्नर एन्ड्रयु कुमअनि सायाव जिनाहारि खालामनायनि सोमोन्दोआव दायखौ नायबिजिरदों। बिनि सायाव आलादा आलादा समाव सा 11 आइजोफोरनि गेजेरजों जिनाहारि खालामनायनि दाय

जाबसिन्नायआ थार फोरमान जादों। राइज्यो एटर्नि जेनेरेल रिपर्टआ बुंदों एन्ड्रयुआ आयेनखौ सिफायदों आरो ओरैबादि हाबा मावदों, जाय मासिन सम्मानखौ सिफायदोंमोन। निउयर्क गभर्नरनि सायाव आइजोफोरनि जिनाहारि

खालामनायखौ 5 दाननिफ्रायनो नायबिजिरदों। नायबिजिरनाय रिपर्टआव बुंदों, गभर्नरनाव हाबाफारि मावनायनि गुन गैला। बिनि सायाव माखासे आइजोफोरा गाधि रोखोमै दानाय, एदावनाय आरो खुदुमनायनि दाय जाबसिन्दों। राइज्योनि एटर्नि जेनेरेल लेटिटिआ जेम्सनि नायबिजिरनाय रिपर्टआ सौफेनायनि उनाव हादतगिरि ज' बाइडेनआ गावनि डेमक्रेटिक पार्टिनि एन्ड्रयु कुमअखौ गभर्नर मासिनफ्राय बिबान एंगलायनो थाखाय बाथा बुंदों। बेनि उनावबो एन्ड्रयुआ मोनसे भिडियनि गेजेरजों बिबुंथि होनायखौ फोसावनानै दाय जाबसिन्नायखौ नेवसिगारनानै गावखौ रैखाथि होनो नाजादों।

आफगानिस्ताननि खैफोदया गासैबो हादतफोरावनो गोहोम गोग्लैगोन



गोदान दिल्ली, 4 आगस्ट : भारतआ सांग्राथि होदोंदि, आफगानिस्ताननि खैफोदनि गोहोमआ न'सु' हादतजों लोगोसे गुबुन हादतफोरावबो गोग्लैगोन। हिंसा, सिगि सग खालामनाय आरो थाखोमाना

थानाय एजेन्डानि गेजेरजों 21 थि जौथायआव आयेनखौ मोनो हाया। गुबुन हादतनि मन्थि एस जयशंकर ब्रिक्सनि एकाडेमिक सेसनखौ बेखेवनाय जथुमाखौ सोमोन्दो लानानै बुंदों, आफगानिस्ताननि दावहाआ

उतखारिनि सेलेस्खौ बांहोदों। गासिबो हितमोनग्राफोरा बेजों जुजिनो थाखाय रोखा, समानथि आरो मोनसे समान आखुखौ आजावना लानांगोन। आफगानिस्तानआव जों इनफेक्सननि दावहाखौ नुनो

मोन्दों आरो बे दावहाया फिन बेनि सुबुंफोरनि थाखाय सेलेस्खौ नुजाथि होदों। जुदि बेखौ बेबादिनो हगारना दोनब्ला आफगानिस्तानजों लोगोसे गुबुन हादतफोरावबो गोहोम गोग्लैगोन। गुदि बिथानि जेना आरो समानथि गैयै सोदनाय बादि आयदाआ माखासे फसंथानफोरखौ ख'हा खालामदों, जायजों फिनजाथायनि महराव माखासे ख'हा नुनो मोननाय जायो। बेवहाय दसे समनि उनावनो उतखारिनि गोहोमा बाडो। मख'नो गोनोदि, आफगानिस्ताननि फ्राय आमेरिकानि सांन्थिफोरा फेफिननायनि उननिफ्रायनो हादतआ तालिबाननि हिंसाआ बांदों। तालिबानआ हिंसाहि हेफाजाब लानानै फुरा आफगानिस्तानआव गोखैयै आवगय लादों।

भारतनि हेंथायै जानो गोनं गिबि टेस्ट मेचनि सिगांनो इंग्लेण्डनि गेलैगिरि अली पपआ टीमनिफ्राय जानगार जानांबाय

गोदान दिल्ली, 4 आगस्ट: भारत आरो इंग्लेण्डनि गेजेरव खेब 5 मेचफोरनि टेस्ट सिरिजआ दिनें थामहिनबा 4 आगस्टनिफ्राय जागायबाय। बिनि साननै सिगांनो भारतनि अपेनार मायां आग्रवाल आरो इंग्लेण्डनि बेटि खालामग्रा अली पपनि जाथाया सोमोनांहोदों। मायां आग्रवाल बादिनो पपआबो जोखोम जानायनि जाउनाव गिबि टेस्ट मेचनिफ्राय जानगार जानांबाय। मायां आग्रवालआ खर'आव बल नांजानानै आरो अली पपआ



फेन्दायाव जोखोम जानायनि जानगारनांबाय। अलि पपनि जाउनाव गिबि टेस्ट मेचनिफ्राय गिबि टेस्ट मेचनिफ्राय

बाइजोआव थानांनायाव जनि बेयेस्टनि खाफाला गेवबाय। बिथांखौ टेस्ट मेचनि थाखाय टीमआव लाफादेरबाय। जनि बेयेस्टआ दिनेंनिफ्राय जानाय टेस्ट मेचनि थाखाय गावनि केरियारखौ जागायफिन्नो थियारिआव दं। अलि पपआ फेन्दायाव जोखोम जानायनि थाखाय बाइजोआव थादोंब्लाबो इंग्लेण्डनि टीमआ बेयेस्ट आरो डेन लरेन्सनि गेजेराव सासे नडा सासेखौ लानो हानायनि अपसन दड।

मध्य प्रदेशनि दर 1,171 गामिफोराव दै बाना लोमसावदों

भुपाल, 4 आगस्ट : मध्य प्रदेशयाव गोबां अखा हानायनि उनाव दै बाना लोमसावनायजों राइज्योनि सुबुंफोरा जेनायाव गोग्लैनांदों। मध्य प्रदेशआव ग्वालियर-चम्बल ओन्सोलाव गोबां अखा हानायनि उनाव बेवहायनि 1,171 गामिफोराव दै बाना लोमसावदों। गिबि मन्थि शिवराज सिं चौहानआ फोरमायदों राइज्योआव सा मध्य प्रदेशआव गोबां दै बाना लोमसावनायाव थासारिआ जेना गोनं जादों। एनडिआरएफ, एसडिआरएफ, सांन्थि आरो बिएसएफआ दर 240 गामिफोरनि सा 5,950 सुबुंफोरखौ रैखाथि होदों आरो सा 1950 सुबुंफोरखौ रैखाथि होनाया सोलिगासिनो दंबावयो। अखांमा सांन्थिनि हेलिकप्टरफोरा रैखाथि होनाय हाबाफारियाव नांथाबदों। क्वारी, सीप, पावती, दैमाफोराव दै बाना लोमसावनायजों स्पूरनि दर 30 गामिफोराव गोहोम गोग्लैदों। दासिमाव बेवहाय 1000 निफ्राय बांसिन सुबुंफोरखौ रैखाथियै दिहुनाय जाखांबाय। नख'र मन्थि अमित शाहआ मध्य प्रदेशनि गिबि



मन्थि शिवराज सिं चौहानजों बाथा सावरायदों आरो राइज्योनि माखासे बाहागोआ गोबां अखा

हानाय आरो दैमाफोराव दैन थाखोआ बांनयनि जाहोनाव दै बाना लोमसावनायनि थासारिनि सोमोन्दैबो खौरं लादों। शाहआ बुंदों मिरुआ राइज्योनि रिहाय होनो थाखाय फुर्य मदत खालामदों।

फोरोंथायखौ बलदेब सिं सिनियरआनो फोरोंदों। रानिनि गोहो आरो साहसखौ नोजोर खालामनानै बलदेबआ बिथांखौ हकीनि गासै टिकखौ फोरोंदोंमोन जायनि मददजोंसो रानिआ भारतयारि आइजो हकी हान्जानि के प्लेन जाफेनो हादोंमोन। बलदेबआ जेब्लाबो रानि रामपालखौ हकीनि

लाभलिना बरगहाइआ सेमि फाइनालाव जेन्नांबाय

गोदान दिल्ली, 4 आगस्ट: टकिय अलिम्पिकनि 13 थि सानाव जेभलिन खुबैग्रा बादायारि निरज चपड़ाया मेन्स जेभलिन थ्र इभेन्टआव टपआव फेनो हानायजों फाइनाल राउन्डआव जायगा आवग्रिनो हाबाय। खमलायग्रा रबि दहिया आरो दिपक फुनियाआबो क्वार्टर फाइनालाव देरहानानै सेमिफाइनायाव जायगा आवग्रिबाय। बेराफसै भारतयारि आइजो बक्सार लाभलिना बरगहाइआ सेमिफाइनालाव जेन्नायजों मोगा-मोगि जानांबाय। लाभलिनाया आइजोफोरनि वेल्डरखेट (64-69 कि:ग्रा:) के टेगारिनि सेमिफाइनाल मेचआव तुर्कीनि बुसेनाज सुरमेलिजों 0-5 नि

फारागथिआव जेन्नायजों मोगा-मोगि जानांदों। 57 कि:ग्रा:नि थाखोआव खमलायग्रा रबि कुमारआ क्वार्टर फाइनालाव देरहानानै सेमिफाइनालान जायगा आवग्रिबाय। बिथाडा बुल्गारियानि जार्जि वांगेलाबखौ 14-4 नि फारागथियाव गोलैयैनो फेजेनो हादों। रबि कुमारआ उननि बादायनायाव काजाकिस्ताननि नुरिस्लाम सनायेबनि हेंथायै गसंगोन। दिपक पुनियाआबो 87 कि:ग्रा: केटेगारिआव 3 पइन्ट बांसिन मोनानै देरहानो हायो आरो सेमिफाइनालाव जायगा आवग्रिनो हायो। बिथाडा चीननि लिन जुसेनखौ 6-3 नि फारागथिआव फेजेनो हादों। बिथानि उननि



बादायनाया इउएसएनि एबिड मरिस टेलारनि हेंथायै जागोन। भारतयारि स्टर खमलायगिरि दिपक पुनियाआ नाइजेरियानि एकरेकेमे एगियामरखौ 86 कि:ग्रा: केटेगारिआव फेजेनो हानायजों क्वार्टर फाइनालाव

जायगा आवग्रिनो हादों। बिथाडा एगियामरखौ 12-1 नि फारागथिजों फेजेनो हादों। बिथाडा क्वार्टर फाइनालाव चीननि लीन जुसेननि हेंथायै बादायगोन।

भारतयारि आइजो हकी टीमनि केप्टेन रानीनि जाफुंसारनायाव बलदेब सिं सिनियरनि बिहोमा दड

गोदान दिल्ली, 4 आगस्ट: टकिय अलिम्पिकआव आइजो हकी हान्जाखौ केप्टेन महरै दैदेन्याय रानि रामपालआ आसा खालामनाय पइन्टसिम सौहैनो हायाखै। बिनि आन्दोआव मोनथाम गल्ड मेडेल देरहानाय बलदेब सिं सिनियरनि रंगगथि आरो फोरोंनाया मख'जाथाव। रानि रामपालखौ हकीनि

फोरोंथायखौ बलदेब सिं सिनियरआनो फोरोंदों। रानिनि गोहो आरो साहसखौ नोजोर खालामनानै बलदेबआ बिथांखौ हकीनि गासै टिकखौ फोरोंदोंमोन जायनि मददजोंसो रानिआ भारतयारि आइजो हकी हान्जानि के प्लेन जाफेनो हादोंमोन। बलदेबआ जेब्लाबो रानि रामपालखौ हकीनि




आरो साहसखौ हाथियार खालामनांगो, बेखौ नुनानैनो बेरेखा हान्जाया जेनो गोनं जागोन। बेफोर बाथानि सोमोन्दै रानिनि बिफाया खौरंगिरिफोरनि सिगाडाव फोरमायदों। बलदेब सिंआ भारतनि बै हकी हान्जानि सोद्रोमामोन, जाय अलिम्पिकआव मोनथाम गल्ड

मेडेल देरहादोंमोन। लन्डन (1948), हेल्लिंकी (1952) आरो मेलबर्न (1956) नि अलिम्पिक मेचआव भारतयारि हकी हान्जाया गल्ड मेडेल देरहानो हादोंमोन। बे हान्जायाव बलदेबआनो बांसिन गल सोनो हादोंमोन। बिथाडा सेन्टार फरवार्ड पजिसनआव गेलोनानै बयनिखुइबो बांसिन

गल सोनो हानायजों रेकर्ड लाखिदों। 1952 नि फाइनालाव अलिम्पिक मेचआव बिथाडा ग 5 गल सोनो हानायनि रेकर्ड लाखिदोंमोन। 1975 आव बिथाडा भारतयारि हकी हान्जानि मेनेजार आरो सिफ कचनि बिबानआव दडमोन।

खमलायगिरि रबि दहिया आरो दिपक पुनियाआ सेमिफाइनलाव जायगा आवग्रिनो हाबाय

गोदान दिल्ली, 4 आगस्ट: जापाननि राजथावनि टकियआव खुंजानाय महाकुम्भ अलिम्पिकआव भारतयारि गेलेगिरिफोरा 13 थि सानआव मोजाडेनो गेलेनानै दिन्थिफुनो हादो। भारतयारि खमलायगिरि रबि दहिया आरो दिपक पुनियाआ मोजाडे गेलेनानै दिन्थिफुनो हानायजो सेमिफाइनलाव जायगा आवग्रिनो हाबाय। सानै



बादायारिफोरा सिल्भार मेडेलाव रोखा खालामनो हानायनि उनाव गल्ड मेडल देरहानायनि थांखिजो रिआव खमलायगोन। खमलायग्रा रबि कु मारआ हौवाफोरनि 57 कि:ग्रा: के टेगरिआव क लम्बियानि अस्कार टाइग्रेसखौ क्वार्टर फाइनलाव गोलेनानै फेजेनो हानानै उननि बादायनयनि थाखाय जायगा आवग्रिनो हादो। बिथाडा

टाइग्रेसखौ 11-2 नि फारागथियाव फेजेनो हादो। बेनि उनाव गुबुन सासे स्टा खमलायगिरि दिपक पुनियाआवो गोखोडे गेलेनानै दिन्थिफुनो हानायजो 86 कि:ग्रा: के टेगरिआव क लम्बियानि अस्कार टाइग्रेसखौ क्वार्टर फाइनलाव गोलेनानै फेजेनो हानानै उननि बादायनयनि थाखाय जायगा आवग्रिनो हादो। बिथाडा

कि:ग्रा: के टेगरिआव नाइजेरियानि एक रेके मे एगियामरखौ फेजेनो हादो। बिथाडा एगियामरखौ 12-1 नि फारागथिजो फेजेनानै सेमिफाइनलाव जायगा आवग्रिनो हाबाय। बेराफसे 57 कि:ग्रा: के टेगरिआव भारतयारि खमलायगिरि रबि कुमारआ गावनि आदोब-खायदाजो क्वार्टर फाइनलाव गोलेनानै देरहानो हादो। बिथाडा

बुल्यारियानि जाजि वांगेलाबनि हेँथायै 14-4 नि फारागथियाव देरहानो हादो। रबि कुमारआ से मि फाइनलाव काजाकिस्ताननि नरिस्लाम सनायेबनि हेँथायै गसंगोन।

टकिय अलिम्पिकनि मेडल फारिलाइआव चीनआ गिबि सारियाव



गेलेगिरिफोरा मोन 3 मेडल देरहानो हाबाय। टकिय अलिम्पिकनि मेडल टेलीआव चीनआ मोन 32 सना, मोन 21 सिल्भार आरो मोन 16 ब्रन्जनि मेडल देरहानानै गासै मोन 69 मेडलजो गिबि सारिआव थानो हादो। आमेरिकाया 25 सना, 29 सिल्भार आरो मोन 21 ब्रन्जनि गासै मोन 75 मेडल, जापानआ मोन 20 सना, मोन 7 सिल्भार आरो मोन 12 ब्रन्जनि गासै मोन 39 मेडल, अस्ट्रेलियाआ मोन 14 सना, 4 सिल्भार आरो 16 ब्रन्जनि गासै मोन 34 मेडलफोरखौ देरहानो हाबाय। बे फारिलाइयाव 6 थि सारिआव दड रासिया, जाय मोन 13 सना, 21 सिल्भार आरो 18 ब्रन्जनि गासै मोन 52 मेडल देरहाबाय। बेनि उनाव जार्मानीआ मोन 8 सना, मोन 8 सिल्भार आरो मोन 14 ब्रन्जनि गासै मोन 30 मेडलफोर, फ्रान्सआ मोन 6 सना, मोन 10 सिल्भार आरो मोन 8 ब्रन्जनि गासै मोन

24 मेडल, नेडारलेण्डआ मोन 6 सना, मोन 8 सिल्भार आरो मोन 8 ब्रन्जनि गासै मोन 22 मेडल, खोला करियाआ मोन 6 सना, मोन 4 सिल्भार, मोन 9 ब्रन्जनि गासै मोन 19 मेडलफोर मेडल देरहानानै 10 थि फारिलाइयाव जायगा आवग्रिनो हादो। भारतआ मेडल टेलीनि फारिलाइयाव 62 थि फारिआवसो दड। टकिय अलिम्पिकआव भारतआ सनानि मेडल मोनो हायाखै, नाथाय मोनसे सिल्भार आरो मोननै ब्रन्जनि गासै मोन 3 मेडल मोनबाय।

गोदान दिल्ली, 4 आगस्ट: आधिखालाव सोलिबाय थानाय टकिय अलिम्पिकआव गुबुन हादरफोरनिखुइ बांसिन मेडल देरहासानानै चीनआ गिबि सारिआव थानो हादो। मेडल टेलीनि फारिलाइयाव आमेरिकाया नैथिआव आरो थामथियाव जापानआ जायगा आवग्रिनो हादो। फेगौ समाव बेनि हारआ आरोबाव गोखेसिन जानो हागौ। आधिखालाव भारतयारि


टकिय अलिम्पिक:निरज चपड़ाआ जेभलिन खुबैनायाव गिबि जायगा आवग्रिनानै फाइनल गेलेनायनि खाबु मोनबाय

गोदान दिल्ली, 4 आगस्ट: गिबि खेव भारतनि जानानै अलिम्पिकआव गेलेनो ओंखारनाय जेभलिन खुबैग्रा निरज चपड़ाआ गिबियावनो 86.65 मिटर जान्थायसिम जेभलिन खुबैहरनो हानानै फाइनल राउन्डआव जायगा आवग्रिनो हाबाय। गुप-ए आरो गुप-बि मेचफोरनि उनाव निरज चपड़ाया क्वालिफाई राउन्डआव गिबि थाखोआव जायगा आवग्रिनो हादो। निरज चपड़ाया टकिय अलिम्पिकआव गल्ड मेडल देरहानायनि थांखिजो ओंखारनाय सासे गोखो



बादायारि, जाय थानाय खेव 22 इभेन्टपोराव लान्थियै 85 मिटरनिबो बांसिन स्कर लाखिबोदो। बिथाडा क्वालिफि के सननि

टकियआव 81.63 मिटर जान्थायसिम जेभलिन खुबैहरनो हादोब्लाबो फाइनलाव निरज चपड़ाजो लोगोसे जायगा आवग्रिनायाव फेलें जायो। 76.4 मिटरसिम सौहेनायनि उनाव बिथाडा गुप-बि आव 12 थि जायगा आवग्रिनो हायो। गुप-बिनिफ्राय सा 5 बादायारिफोराल' फाइनलसिम सौहेनायनि खाबु मोनो, मानोना टकिय अलिम्पिकनि नेमबादियै फाइनलाव जायगा आवग्रिनो थाखाय खमावबो 82.4 मिटर एबा बेनिफ्राय बांसिन जान्थाय खुबैहरनागोन गोनाथि जायो।




सत्यमेव जयते

आसाम सरकार



महारियारि देहा मिसन, आसाम

कभिड-19नि हेँथायै नोँथानि रेखाथिखौ आबुं खालाम। भेक्सिननि नैथि ड 'जखौ समबायदियै ला।








- ☞ नोँथाड भेक्सिननि मोननैबो ड 'ज बेयो कभेक्सिनआनो जा एबा कभिसिल्डआनो जा, लायाब्ला कभिड-19 निफ्राय नोँथानि रेखाथिया आबुं जाया।
- ☞ भेक्सिननि नैथि ड 'ज लानायाव गोबाव जायोब्ला गिबि ड 'जआ खामानि गैयै जानो हागौ।
- ☞ खैफोदनि गिनायखौ खम खालाम आरो गोबाव खालामा लासेनो भेक्सिनखौ लाहैदो।
- ☞ नोँथानि ड 'जनि अक्ट 'नि सायाव नोजोर लाखि आरो सम बायदियै नोँथानि साखाथियाव थानाय देहा सिबिथाय मिरुसिम थां।
- ☞ गथ 'फोरखौ कभिडनि भेक्सिन थुनाय जायाखै बेखायनो बिसोरखौ रेखाथि होनो नोँथाड भेक्सिन लानायनि उनावबो सांग्राडै था।

कभेक्सिननि मोननै ड 'जनि गेजेराव फारागथिया 4 निफ्राय 6 सप्ताह आरो कभिसिल्डनि मोननै ड 'जनि गेजेराव फारागथिया 12 निफ्राय 16 सप्ताह

कभिड-19 आरो गुबुन देहानि सोमोन्दै बोसोननि थाखाय 104 डायेल खालाम

कभिड भेक्सिननि सोमोन्दै जायखिजाया सोँथिनि थाखाय राइज्योयारि कभिड भेक्सिन सामब्लायथाय खथानि नम्बर 8099470682, 839983971 डायेल खालाम एम्बुलेन्स सिबिथायनि थाखाय 108 डायेल खालाम

गासैबो समावनो कभिड सोमोन्दैआरि नेम-खाथिखौ मानिनानै सोलि

मार्क गान सेनिटाइजर बाहाय समाज्जारि जान्थाय मानिनानै सोलि आखाय सु भेक्सिन ला

JANASANYOG/D/3338/21



सत्यमेव जयते

आसाम सरकार

भारतनि उदांसि सोमावसारनायनि गोखोँ दावहारु, आसामनि गिबिसिन गिबि मन्थि

भारतरत्न

लकप्रिय गपिनाथ बरदलैनि

गोसोखांथि साननि गोथार समाव बिथांसिसिम आसामनि
राइजो-राजानि जानानै गोसो गोबोँजोँ मान बाउहरबाय।

ड॰ हिमन्त बिश्व शर्मा
गिबि मन्थि, आसाम

6 जुन, 1890- 5 आगस्ट, 1950

फोरमान आरो सुबुं फोनांजाव बिथोनगिरिख' आसामनि गेजेरजोँ फोसावजानाय

Follow us    @diprassam  dipr.assam.gov.in